

891.99.09

U-62

6 NOV 20

Ս.գրեՍՀ Լ.ժ.Կ

ԵՐԻ ՎՈՐԱԿԱՎՈՐՄԱՆ ՅԵՎ ՀԵՌԵԿ ՄԱՆԿԱԿԱՐԺԵԿԱՆ  
Ի Ն Ս Տ Ի Տ Ո Ւ Տ

91.99-09

ԳՈՒՐԳԵՆ ԱՆՏՈՆՅԱՆ

Ա.ՐԵՎՄՏԱ.ՀԱՅ  
ՌԵԱԼԻՍՏԱԿԱՆ  
Ա. Ր Զ Ա. Կ Ը

(Ձեռագրի իրավունքով)

ГОСБИБЛИОТЕКА СССР  
2231 3

891.99.09  
Ա-62

Հրատարակություն Ս.գրեՍՀ Լուսավորմանի  
Բազու 1939

13 FEB 2013

## ԱՐԵՄՏԱՅԱՅ ՌԵԱԼԻՍՏԱԿԱՆ ԱՐՁԱԿԸ

Արևմտահայ գրականության մեջ աեալիստական ուղղութիւնը սկզբնավորվում է 19-րդ դարի 90-ական թվականների սկզբում: Դա այն շրջանն էր, յերբ Տաճկաստանում դեռ ուժեղ էլին ֆեոդալական հարաբերութիւնները: Չնայած նրան, վոր կապիտալիզմն արդեն գոյութիւն ուներ արեւմտահայ իրականութիւն մեջ, բայց և այնպես պետական կառուցվածքը մնում էր նախկինը: Բռնակալական պետական սիստեմի բազան հանդիսանում էր ֆեոդալական կալվածատիրական դասակարգը, վորի հետ դաշնակցած էր խոշոր առևտրական բուրժուազիան: Վերջինս թեպետ իշխող էր եկոնոմիկայի մեջ, բայց դեռ իր ձեռքն ամբողջապես չէր վերցրել պետական կառավարման մեքենան: Տաճկահայ հասարակական կյանքը ֆոկուսի պես իր մեջ արտացոլում էր կոստանդնուպոլիսը: Կ. Պոլիսը լինելով չերկրի մայրաքաղաքը, հանդիսանում էր նաև կուլտուրական կենտրոն: Դասակարգային հակամարտութիւնները և հակասութիւններն այդ խոշոր քաղաքում յերևան էլին դալիս ավելի ուրիշ ձևով: Ուշագրութիւն արժանի յե Կ. Պոլիսը նաև նրանով, վոր արևմտահայ համարյա բոլոր գրողներն իրենց ստեղծագործութիւն մեծ մասի թեմատիկան վերցրել են Կ. Պոլիսի և նրա արվարձանների կյանքից: Արևմտահայ վողջ սոցիալական-կուլտուրական և հոգևոր կյանքը նույնպես կենտրոնացած էր Կ. Պոլիսում: Այդտեղ էր գտնվում հայ հասարակական կյանքի բարձրագույն հիմնարկներից մեկը՝ պատրիարքարանը, վորը հանդիսանում էր հայ հասարակական կյանքի սնորենը:

Պատրիարքարանն էր, վոր իր դիստանցիաներով (չերեցիոխական ժողով և այլն) ղեկավարում էր հայկական կյանքը՝ կուլտուրան, դպրոցական շինարարութիւնը, լուծում էր ընտանեկան վեճերը և այլ բազմաթիւ խնդիրներ: Քաղաքականութիւն մեջ պետականութիւն դաշնակիցն էր և ժողովրդի շահագործման հիմնական ինստիտուտներից մեկը: Պատրիարքարանի սոցիալական բազան

հանդիսանում էր ամիրայությունը: Ամիրայությունը— դա այն դասն էր, վորից առաջ էր գալիս ոսմանյան կառավարութեան ծառայողները գլխավոր մասը: Պետական կապալները, կաշառակերությունը, իր դիրքից ոգտվելը կազմում էր այդ խավի հարստութեան հիմքը:

Լինելով մեծ սեղանավորներ, թաղականներ և այլ պաշտոնների մեջ, ծայր աստիճան շահագործում էր քաղաքի արհեստավորութեանը, մանր բուրժուական շերտերին, այսպես կոչված «եսնաֆ» խավին: Ամիրայութեանն, ինչպես հայտնի յե, անխնա ծաղրել և «եսնաֆի» պաշտպան Հակոբ Պարոնյանը:

Ամիրայութեան կապը պետականութեան հետ չափազանց սերտ է յեղել: Նրանցից մի քանիսը հասել էլին ամենաբարձր պաշտոնները՝ տաճիկ կառավարութեան կոնսուլ ուրիշ յերկրներում, կամ մինիստր: Արևմտահայ գրողների մոտ կարելի յե հանդիպել այնպիսի դիտողութուններին, յերբ ամիրաներն ամենասերտ գործակցութեան մեջ էլին փաշաների և այլ բարձրաստիճան պաշտոնյաների հետ: Այդ մասին ունեն մի շարք ակնարկներ Պարոնյանը, Գր. Զոհրապը և ուրիշները: Հայ հասարակական կյանքում շահագործող և տիրապետող խավերն էլին՝ ամիրայությունը, բարձր հոգևորականութունը և առևտրական բուրժուազիան: Թե իրենից ինչ էր ներկայացնում ամիրայությունը, կարելի յե բերել Մարուխանի հետևյալ տողերը. — «Ժթ դարի առաջին կեսին Կ. Պոլսի հայերի ազգային, հասարակական և մասամբ նաև կրոնական գործերի վրա իշխում էր ամիրայական դասակարգը, վորը բաղկացած էր սեղանավորներից, մեծ վաճառականներից և պետական պաշտոնյաներից: Նրանք էլին վորոշում վոչ միայն ժողովրդի, այլ նույնիսկ պատրիարքարանի ձևկատագիրը: Իսկ ժողովուրդն ամիրաների հյու կամակատարն էր և միշտ խոնարհվում էր նրանց անձնական հեղինակութեան և տնտեսական ուժի առաջ»: (Մարուխան. — Ոսմանյան հայերի ազգային սահմանադրութունը, տես «Արոր» ամսագիրը, 1910 թ. էջ 68):

Յեկ այդ հյու խավը՝ «եսնաֆ» դասակարգը չերբեմն բռնկվում էր ամիրայութեան դեմ:

Դարձյալ նույն Մարուխանը տալիս է հետևյալ փաստը. — «1838 թ. ամիրաների և սուլթանի դեմ կազմվեց եսնաֆից անագին ցույց, բանտարկչալներին ազատեցին»: (Նույն տեղը, էջ 69):

Մյուս կողմից զարգացել էր հայկական խոշոր առևտրական բուրժուազիան, իսկ հետագայում ֆինանսական կապիտալը, պարզիտ՝ այսպես կոչված ռանտե բուրժուազիան: Կապիտալը

նախնական կուտակման պրոցեսում և առևտրական բուրժուազիայի հետագա հեզեմոն դիրքով դասակարգային շերտավորումը գյուղում ավելի յե ուժեղանում: Առաջ է գալիս գյուղացիների պառակերիզացիան, վորոնք մի կտոր հացի համար թողնում էլին գյուղը և վորպես մշակներ գալիս Պոլսի աշխատանք գտնելու: Շահագործումը հասնում է ծայր աստիճանի, գյուղն սկսում է քայքայվել (հայ գրականութեան մեջ դրա մասին շատ է գրված. բավական է հիշել Գր. Զոհրապի, Վ. Փափազյանի և ուրիշների գործերը):


Առևտրական բուրժուազիայի հարվածների տակ քայքայվում էր նաև Պոլսի մանր բուրժուազիան, «եսնաֆ» խաֆն, այն է՝ քաղաքի արհեստավորութունը և քաղաքային մանր բուրժուական ինտիլիգենցիան: Առևտրական բուրժուազիան գրավելով տիրապետող դիրք էկոնոմիկայի բնագավառում, միաժամանակ պահանջ էր առաջադրում վերափոխել պետական սիստեմը:

Լինելով դաշնակից ոսմանյան կառավարութեան հետ, պետութունն ընդառաջեց բուրժուազիային: Հետևանքը լինում է այն, վոր 1856 թ. կազմվում է Փարիզի դաշնագիրը՝ «թանգիմաթը», ըստ վորում քրիստոնյաներին տրվում են վորոշ բարենորոգումներ, իսկ 1860 թ. դոկտոր Ռոտինյանի ղեկավարութեամբ կազմվում է «Ազգային սահմանադրութունը», վորը Բ. Դաան կողմից հաստատվում է 1863 թ: Այդ բարենորոգումները ժողովրդին վոչինչ չտվին և «եսնաֆի» պաշտպան Հ. Պարոնյանը, ինչպես դիտենք, սուր կերպով ծաղրել է վերոհիշյալ ռեֆորմները: Այդ սահմանադրութունից ոգտվեցին տիրող խավերը, առաջին հերթին առևտրական բուրժուազիան:

Բուրժուազիայի տնտեսական տիրապետութեամբ ստեղծվել էլին համապատասխան հասարակական ինստիտուտներ: Ստեղծվել էլին նոր կենցաղ, մարդկանց նոր տիպեր, բուրժուական ընտանիք և ինտելիգենցիա: Այդ ամենը հարկավոր էր վերարտադրել գրականութեան մեջ: Ռոմանտիզմին այդ ուժերից վեր էր, նա չէր կարող կատարել հասարակական այդ պատվերը, նա արդեն իր դերը կատարել էր:

Անցյալ դարի 70—80 թ.թ. գրականութեան մեջ տիրապետող ուղղությունը ռոմանտիզմն էր արձակի մեջ՝ Ծերենց, Ս. Տյուսաբ, պոեզիայի մեջ Ալիշան, Պեշիքթաշյան և ուրիշները:

Հասարակական նոր պահանջները կարող էր բավարարել միայն ռեալիզմը:



43498-63

12.8022

Արևմտահայ ռեալիզմը գերազանցորեն առևտրական բուրժու-  
ազիայի գրական ուղղութիւնն դարձաւ: Առաջ չեկան մի շարք  
գրողներ, ռեալիստ նովելիստներ, այն է՝ Արփիար Արփիարյան,  
Գրիգոր Զոհրասպ, Տիգրան Կամարական և Զիֆթե-Սարաֆ: Ռո-  
մանտիզմին հաջորդում է ռեալիզմը: Այդ նույն յերևույթն, ինչ-  
պես գիտենք, յեղել է նաև արևելահայ գրականութան մեջ.  
Բաֆֆու և Պատկանյանի ռոմանտիզմին հաջորդեց Շիրվանզա-  
դէյի և Նար-Դոսի ռեալիզմը:

Նովելիստական գրականութան մեջ ռեալիզմի սկզբնավորողը  
հանդիսանում է Արփիար Արփիարյանը:

## ԱՐՓԻԱՐ ԱՐՓԻԱՐՅԱՆ

Արփիարյանը բազմակողմանի գործիչ է յեղել: Նա և՛ հրապա-  
րակախոս էր, և՛ քաղաքական գործիչ, և՛ միևնույն ժամանակ  
պեղարվեստագետ:

Այստեղ մեր նպատակը չէ խոսել Արփիարյանի մասին ընդ-  
հանրապես, այստեղ հիմնական խնդիրն Արփիարյանի գրական  
դեմքի պարզելն է:

Բայց նախ քան այդ, անհրաժեշտ է մի քանի խոսքով կանգ  
առնել Արփիարյանի վրա, վորպես հասարակական և քաղաքա-  
կան գործիչի: Արփիարյանը գրական ասպարեզ է իջնում 1870  
թվականներին վորպես հրապարակախոս և հասարակական գործիչ:  
Յեղել է բազմաթիվ թերթերի և ամսագրերի խմբագիր: Իր բազ-  
մաթիվ հոդվածներում նա շոշափում էր այն ժամանակվա հուզող  
խնդիրները, կազմակերպում էր մարզկանց մտքերը, մի խոսքով  
հանդիսացել է արևմտահայ բուրժուազիայի առաջնորդներից  
մեկը: Արփիարյանը հանդիսացել է հնչակյան կուսակցութան  
ակնառու ներկայացուցիչներից մեկը և յեղել է առևտրական  
բուրժուազիայի իդեոլոգը:

Յեղել է Պոլսի մի շարք թերթերի խմբագիր: Յերկար տա-  
րիներ խմբագրել է «Մասիս» թերթը (պատրիարքարանի որդանը),  
«Արևելք» թերթի խմբագիր, «Հայրենիք»-ի աշխատակից: Արփի-  
արյանը խմբագրել է «Նոր Կյանք» ամսագիրը, 1905 թ. յեղել է  
«Լուսաբեր»-ի խմբագիր Կահիրեյում հանդիսացել է «Շիրակ»-ի  
վոգին, Լոնդոնում յեղած ժամանակ հրատարակեց «Նոր Կյանք»,  
«Մարտ», «Հայ հանդես» թերթերը: Վորպես խմբագիր նա իր  
թերթերում տեղ է տվել և առաջ է քաշել հեղափոխ մի շարք  
գրողների, ինչպիսիքն են՝ Գր. Զոհրասպը, Տ. Կամարականը և  
ուրիշները:

Արփիարյանի բազմաթիվ հոդվածները ցրված են տարբեր  
թերթերում, իսկ առանձին գրքով լույս չեն տեսել: «Արևմտահայ  
հալոց արդի գրականութունը» խորագիրը կրող հոդվածի մեջ  
Արփիարյանն այդ խնդրին հետևյալ բացատրութունն է տալիս.  
«Բառորդ դարու մը ժամանակամիջոցին զիրքը Պոլսու մտավորա-  
կան հրապարակեն հետզհետե նահանջելով, հիմակ գրեթե անե-  
րևույթացյալ մըն է: Գրողները իրենց ապաստարանը որաթեր-  
թին և պարբերականին մեջ փնտրեցին: Ասոնք ալ թեև բազմա-  
կաշկանդ պրկլայներ են, բայց աճապարար հնարամտությամբ կը  
հաջողեն շարժման քիչ թե շատ դյուրութուններ ձեռք բերել,  
վասնդի թյուրք կառավարության պաշտոնյաները կարող չեն  
չափազանցորեն ուշադիր ըլլալ հրատարակությանց, վորոնք վո-  
րոշյալ որեր և ժամեր պետք է վոր կանոնավորապես յերևին:  
Մակայն զիրքն անբաստանյալ մըն է, զոր հարցաքննիչ դատա-  
վորը կընայ ինչքան ասեն ուղե վար դնել ու յերկար բարակ  
պրպատել»: («Բանբեր գրակ. և արվեստի». Պետերբուրգ, Ա. զիրք,  
1903 թ. էջ 175):

Արփիարյանի գեղարվեստական յերկերի մեծ մասը լույս են  
տեսել Ռուսաստանում:

Իր ազգային քաղաքական գործունեյության համար 1890 թ.  
ձերբակալվում է կառավարության կողմից, սակայն շուտով  
ազատվում է, վորից հետո «Արևելք»-ի մեջ գրում է «մեղայա-  
գիր մը»: Այդ առիթ տվեց դաշնակցությանը մեղադրելու Արփի-  
արյանին իր դադափարների դավաճանության մեջ: Մի քանի  
անգամ կազմակերպվում է նրա դեմ տեռոր և վերջապես դաշնակ-  
ներին հաջողվում է 1908 թ. սպանել Արփիարյանին Կահիրե  
քաղաքում:

Այս սպանութիւնն իրավունք չի տալիս մեզ ասելու, թե  
Արփիարյանը չի հանդիսացել մարտախան բուրժուազիայի գաղա-  
փարախոսը: Արփիարյանի և դաշնակցության միջև յեղած թշնա-  
մանքը տակտիկական բնույթի յեր, իսկ Արփիարյանի վողջ  
հասարակական և գրական գործունեյութիւնը ցույց է տալիս,  
վոր նա յեղել է ազգայնական բուրժուազիայի արտահայտիչը:  
Այդ յերևում է թեկուզ նրանից, կոր Արփիարյանը հանդիսացել  
է «Մշակ» թերթի ամենատակտիվ գործիչներից մեկը և վայելում  
էր Գր. Արծրունու հովանավորութիւնը: Արփիարյանի նովելա-  
ների առաջին ժողովածուն նվիրված է ազգայնական բուրժուա-  
զիայի հրապարակախոս Գր. Արծրունուն:

Արփիարյանը վորպես նովելիստ գրականության մեջ հանդես

յեկավ 90-ական թվականների սկզբում: Նրա պատմվածքները «առաջին ժողովածուն «Նորավեպը» ընդհանուր խորագրի տակ լույս է տեսել 1885 թ., հետո գրում է «Մնդամուխի աղջիկը» վիպակը և վերջապես 1903 թ. լույս է տեսնում «Կարմիր ժամուց» վիպակը: 1885 թ. լույս տեսած «Նորավեպը» ժողովածուն հանդիսացավ Արփիարյանի առաջին գրական-գեղարվեստական լեզվը: Մինչև այդ նա նովելներ էր գրել: Դա նրա առաջին ստեղծագործությունն է: Այդ ժողովածույի առթիվ Արփիարյանը գրում է. «Դու կը կարենաս սրտի վեպիկներ գրել, արի մեկ անգամ փորձիր», —ասել էր նրան տիկին Արծրունին: Յեվ Արփիարյանը ձեռնամուխ է լինում գրելու «սրտի վեպիկներ»:

«Նորավեպը» վերնագրի տակ վորպես յենթավերնագիր գրված է «Կյանքի պատկերներ»: Այդ վերջինը և այն, վոր նա պիտի գրեր «սրտի վեպիկներ», արդեն ցույց են տալիս, վոր Արփիարյանը պիտի գրեր ժամանակակից խնդիրների մասին՝ շոշափելով բուրժուական ընտանիքի, ամուսնություն և կնոջ դերի խնդիրները:

Ժամանակակից խնդիրների լուսաբանումը գրականություն մեջ, այն էլ որաթերթերի միջոցով, պահանջում է գրվածքի համապատասխան ծավալ: Շատ հասկանալի չէ, վոր որաթերթին իր սուղ եջերով կարող էր տեղավորել փոքր գրվածքներ, քան թե լայնածավալ վեպ: Այդ ստեղծում է այն նախադրյալները, վոր արևմտահայ գրականության մեջ դարգանում է եպիկական տե՛սակի փոքր ժանրը՝ նովելան, վորն արևմտահայ գրականության մեջ կոչվում է նաև նորավեպ: Յեվ մինք տեսնում ենք, վոր արևմտահայ ռեալիստական գրականության մեջ գերազանցորեն զարգանում է նովելան, վորն իր դազաթնակետին է հասնում Գր. Չոհրապի մոտ:

Արփիարյանն իր նովելաների ժողովածուով հանդիսացավ նովելայի հիմնադիրն արևմտահայ գրականության մեջ: «Նորավեպը» ժողովածույի մեջ ամփոփված են չորս նովելա՝ «Դատապարտյալը», «Յերազի մը գինը», «Կատակ մը» և «Ապուշը»:

Բոլոր նովելաներն էլ շոշափում են համարյա թե նույն թեման՝ ընտանիքի, ամուսնություն, կնոջ և դաստիարակության խնդիրները: Այդ նովելաներում Արփիարյանը դնում է կնոջ եմանսիպացիայի խնդիրը, նրա իրավունքների ճանաչման խնդիրը, սակայն Արփիարյանը կնոջ սոցիալական ազատագրության խնդիրը չի դնում, այլ պաշտպանում է միայն կնոջ ձևական իրավական ազատությունը: Այս խնդրում Արփիարյանն

ամբողջապես հետևել է Գր. Արծրունուն և բազմաթիվ խնդիրներում նրանք քայլում են համաքայլ: Արփիարյանի կապը Արծրունու հրապարակաստություն հետ անժխտելի չէ: Նովելաների մեջ դնելով կնոջ ձևական ազատության խնդիրը, հեղինակն այդ լուծում է յեկնելով տարբեր տեսանկյուններից:

«Դատապարտյալը» նովելայի մեջ հիմնական թեման ապահարզանի խնդիրն է, վորը հանդիսանում է կնոջ կաշկանդման միջոցներից մեկը: Ապահարզանի խնդիրը վերոհիշյալ գործի հերոսուհի Սաթենիկին հասցնում է այն դրություն, վոր նա չի կարողանում միանգամայն ազատվել իր նախկին ամուսնուց, վորի հետ ամուսնացել է իր կամքից անկախ՝ փողի ուժի հետևանքով: Մյուս կողմից կապվելով իր սիրածի հետ՝ այդ կապը ստանում է վոչ որինամոր բնույթ, քանի վոր կենդանի չէ Սաթենիկի ամուսինը: Կինը լինելով հավիտենապես իր ամուսնու ստրուկը, ստեղծվում է վորդալի վիճակ Սաթենիկի համար: Նա յենթարկվում է պարսավանքի շրջապատի կողմից, բոլորը խորում են նրանից: Սաթենիկը չի կարողանում տանել այդ անպատվությունը և մեռնում է սրտի կսկծից: Յեկեղեցին մերժում է նրան թաղելուց: Շնորհիվ իր ռեալիստական մեթոդի Արփիարյանը կարողացել է ճիշտ կերպով նկատել կյանքի մի շարք կողմերը և պատկերել այդ կնոջ ստրկական վիճակը կապիտալիստական հասարակություն մեջ, ամուսնություն մեջ փողի հսկայական նշանակությունը և ամենակարող ուժը, բուրժուական հասարակության և եկեղեցու կեղծիքի ու կեղծ բարեպաշտության մերկացումը վերոհիշյալ նովելան դարձնում են Արփիարյանի հաջողված գործերից մեկը:

Կնոջ հասարակական ստրկությունը և բուրժուական ընտանիքի այլանդակությունը պատկերված է «Յերազի մը գինը» նովելայում: Դատապարտյալն ներհակությունն այստեղ ավելի տպավորիչ է: Այդքա՞տ զրազիրը չի կարողանում ամուսնանալ իր սիրած Սոֆիկի հետ, վորովհետև չունի փող:

Սոֆիկն ամուսնանում է հայտնի հարուստ Հակոբիկ աղայի հետ: Հակոբիկ աղան տիրում է Սոֆիկին, վորովհետև ունի փող, ունի հարստություն: Նովելայի հանգուցը լուծվում է նրանով, վոր աղքատի կառքը դիակի հետ միասին հանդիպում է հարստի հարսանյաց կառքին, վորի մեջ բազմած են կյանքի ընտրյալները: Մի բևեռում աղքատություն ու մահ, մյուսում՝ հարստություն և կյանք:

Հաջորդ նովելայում, վորը կոչվում է «Կատակ մը», Արփիարյանը հաջողությամբ պատկերում է հարուստ ընտանիքի լեռի-

տասարդ մարդու ապահանությունը, վորն իր կրքերին զոհ ե գարձնում խեղճ ու աղքատ աղջկան: Համառոտ սյուժետն այս ե: Ձկնորս Նիկողոս ազայի ընտանիքը քայքայվում ե: Մեռնում են Նիկողոս ազայի կինը և տղան: Կենդանի յե մնում միայն իր թոռը՝ մի փոքրիկ աղջիկ: Մաքրիկը մի կտոր հաց վաստակելու համար գործի յե մտնում Գրիգոր եֆենդու տունը: Վերջինիս տղան՝ հարուստ և անհոգ Վահրամը խարում ե Մաքրիկին, թե կամուսնանա նրա հետ և զրկում ե Մաքրիկին կուսությունից: Հետո լքում ե նրան և ամուսնանում մի հարուստ, ոժիտավոր որիորդի հետ: Մաքրիկի դառն կշտամբանքին Վահրամը պատասխանում ե.—«Ե՛հ անոնք կատակ եյին, մենք անանկ կատակներ շատ կընենք, Մաքրիկ»: Աղջիկը չկարողանալով տանել այդ անպատվությունը, իրեն գցում ե ծովը:

Արփիարջանը հաջողությամբ կարողացել ե տալ հարուստ յերիտասարդի ցոփ կյանքը և բուրժուական ընտանիքի նեխվածությունը: Այդ նովելլան աչքի յե ընկնում դառն իրոնիայով՝ ուղղված հարուստ խավի դեմ: Արփիարջանի համակրանքն աղքատ Մաքրիկի կողմն ե: Սակայն Արփիարջանը դրանից արմատական հետևություններ չի անում, նա պահանջում ե միայն, վոր հարուստները մարդավայել վերաբերմունք ունենան դեպի աղքատ մարդիկ: Արփիարջանը յերևան ե գալիս սոսկ վորպես ռեֆորմատոր, վորպես բուրժուական բարոյախոս:

Վերջին նովելլան ե «Ապուշը»: Այստեղ հեղինակը պատկերում ե կնոջ վատ դաստիարակությունը և դրա հետևանքով ստեղծված չարաբաստիկ հետևանքները: Կենտրոնական տիպը Ֆորայունենն ե. մի անմիտ, դուռոզ և շվայտ կին: Նա ցանկանում ե անպայման ամուսնանալ հարուստ Սինայանց Մկրտչի հետ, սակայն նրան այդ չի հաջողվում և նա ստիպված ամուսնանում ե Լևոնի հետ, վորն ապրում ե իր համեստ աշխատանքով: Ամուսնությունից հետո Ֆորայունենն սկսում ե դավաճանել իր ամուսնուն և հեշտանքի ժամեր ե անցկացնում Սինայանց Մկրտչի հետ: Այդ տեսնում ե Լևոնը և հուսահատությունից խելագարվում:

Ֆորայունենն յերևան ե գալիս վորպես դատարկամիտ կին: Նա միայն յերագում ե ձոխ հագուստների և շքեղ կառքերի մասին: Ուրիշների մոտ իր հարազատ մորը չի ուզում ձանաչել, վորովհետև մայրը վատ ե հագնված: Այստեղ Արփիարջանը տալիս ե բուրժուական կնոջ բարքերի քայքայումը և դրա սոսկալի հետևանքները: Արփիարջանի վերոհիշյալ գործերը հանդիսանում են ռեալիստական նովելլաներ: Պատկերներն իրական են և համո-

գեցուցիչ: Նա կարողանում ե ստեղծել լարված սիտուացիաներ և հետաքրքիր հանգույցներ: Արփիարջանը հաջողությամբ կարողանում ե կիրառել կոնտրաստային տիպերը, վորի հետևանքով առավել տպավորիչ ե դառնում նովելլան: (Որինակ՝ «Յերազի մը գինը» նովելլան):

Ինչպես տեսանք, վերոհիշյալ նովելլաներում հիմնական թեման—դա բուրժուական ընտանիքի և կնոջ ձևական ազատագրման խնդրի պատկերն ե: Արփիարջանը սովորական տիպի բուրժուական բարոյախոս ե: Յեվ յեթե նա տալիս ե բուրժուական վերնախավի քննադատությունը, ապա այդ նա անում ե ուղղելու իմաստով: Արփիարջանի մոտ բացակայում ե բուրժուական հասարակության վոչնչացնող քննադատությունը, ընդհակառակը, «Կատակ մը» նովելլայում Վահրամի հայրը՝ Գրիգոր եֆենդին հարուստ ե, բարեբար, վողորմած և աստվածապաշտ: Վահրամի քույրը նույնպես բարի յե և ոգնում ե Մաքրիկին: Նույնպիսի համակրանքով ե խոսում Արփիարջանը Սինայանց հարուստ ընտանիքի մասին. նրանք նույնպես բարեբարներ են և ոգնում են աղքատներին («Ապուշը» նովելլան): Այս որինակները ցույց են տալիս, վոր Արփիարջանը չի ժխտում բուրժուական հասարակությունը, չարիքը տեսնում ե վոչ թե այդ հասարակության բնույթի մեջ, այլ այդ նա տեսնում ե անհատ վատ մարդկանց մեջ, վորոնց հարկավոր ե ուղղել և ուրիշ վոչինչ: Վերոհիշյալ նովելլաներում Արփիարջանը չի տալիս կնոջ տնտեսական անկախության խնդրի լուծումը: Նույնպես չի լուծում կնոջ քաղաքական ազատության խնդրը: Արփիարջանը պահանջում ե միայն, վոր կինն ազատ լինի իր ներքին խնդիրներում, այն ե՝ սիրո բնագավառում, այսինքն Արփիարջանը հանդիսացավ միայն բուրժուական կնոջ պահանջի արձանագրողը: Արփիարջանը լուծում ե միայն այն խնդիրները, վոր վաղուց լուծել ե յեվրոպական բուրժուազիան: Արփիարջանը կրկնել ե այն, ինչ վոր արժարծել ե արևելահայերի մեջ Գր. Արժրուսու «Մշակ» թերթը: Գեղարվեստական արժեքի տեսակետից այդ նովելլաներն ունենալով մի շարք դրական կողմեր, ունեն նաև իրենց թերությունները: Այդ թերությունները հատկապես յերևան են գալիս հանգույցների լուծման մեջ:

Բոլոր դեպքերում հանգույցները համարյա նույն լուծումն ունեն, այն ե. տուժածները բոլորը մեռնում են. Մաթենիկը («Դատապարտյալը») մեռնում ե թոքախտից, Հրանտը («Յերազի մը գինը») նույնպես մեռնում ե թոքախտից, Մաքրիկը («Կատակ մը») ինքնասպան ե լինում, իսկ Լևոնը խելագարվում ե, այսինքն նույնպես մեռնում ե, բայց հոգեպես:

Նար-Ռոսի հերոսներն էլ նույն վախճանն են ունենում: Բայց այդ յեղքը գեղարվեստականորեն պատճառաբանվում է և համոզեցուցիչ է Նար-Ռոսի մոտ: Չնայած այդ հիմնական թերությանը՝ Արփիարյանի վերոհիշյալ նովելաները հաջողված գործեր են:

Այդ նովելաներով նա ռեալիստական նովելայի հիմքը գրեց արևմտահայ գրականության մեջ: Գրված են Արփիարյանի լեզվին հատուկ հովանավոր և սեղմ՝ լակոնական վոճով:

Արփիարյանն իր այդ նովելաներով ուժեղ ազդեցություն է թողել հետագա նովելիստների վրա: Այդ ազդեցությունը հատկապես յերևան է գալիս խոշորագույն նովելիստ Գր. Զոհրապի մոտ: Արփիարյանը գրել է նաև պատմվածքներ արհեստավորների կյանքից: Այդ բնույթի գործերից հատկապես արժեքավոր է «Խնդամուրիկ աղջիկը» պատմվածքը: Առաջին անգամ վորպես պատմվածք «Խնդամուրիկ աղջիկը» լույս է տեսնում «Մշակ» թերթում 1885 թվին: Հետագայում այդ գործը վերամշակվում է և 1904 թվին լույս է տեսնում վորպես վիպակ: Համառոտ բովանդակությունն այս է. Ղուկաս աղան տասը տարվա գրաշար է և ապրում է նյութական զրկանքների մեջ: Նա խնամում է իր չեղբոր վորք աղջկան՝ Արմիկին, վորին հարկավոր է ամուսնացնել: Արմիկի ամուսնական ծախքերի համար նա դիմում է տպարանատիրոջ ոգնություն, իսկ վերջինս Ղուկաս աղային հեռացնում է տպարանից, վորպես իր գործին չհամապատասխանող և աշխատանքի անընդունակ: Կարիքից ստիպված՝ նա սկսում է ծախսել չերկաթուղային այն արժեթղթերը, վոր ժառանգել էր Արմիկի հորից և վոր պիտի տրվեր փեսային վորպես ոժիտ: Այդ իմաստով է Արմիկի նշանածը՝ Արթակը և հրաժարվում է ամուսնությունից: Արմիկը չի կարողանում տանել այդ անպատվությունը և միշտ խնդամուրիկ աղջիկը դառնում է մտածկոտ և անընդհատ հյուժվում է: Վիպակի հերոսուհին ունենում է այն վախճանը, ինչ վախճան վոր ունեցել են նորավեպի հերոսուհիները, այսինքն մեռնում է թոքախտից: Այստեղ ևս հիմնականը կնոջ խնդիրն է, այստեղ ևս Արփիարյանը դնում է մաքուր, անկեղծ սիրտ խնդիրը. արյն սիրտ, վորը հիմնված չլինի վորդի վրա: Բայց այս վիպակը նովելաներից առավել ևս արժեքավոր է իր սոցիալական մի շարք խնդիրների ընդգրկումով: Առաջին անգամ արևմտահայ գրականության մեջ Արփիարյանն այսպես թե այնպես պատկերում է գրաշարների կյանքը, նրանց անտեսական խախուստ վիճակը: Ղուկաս աղան հին գրաշար է, բայց վերջը

մնում է անգործ: Այստեղ Արփիարյանը կարողացել է տեսնել և վերարտադրել բուրժուական հասարակության հիմնական չարիքներին մեկը՝ գործազրկությունը և դրա սոսկալի հետևանքներն արհեստավորության համար:

Ղուկաս աղան մնում է անգործ և փոխանակ չարիքի դեմ պայքերելու, իր վիշտը մոռանալու համար սկսում է խմել ողի: Կարիքը, Ղուկաս աղայի ծանր վիճակը հեղինակը կարողացել է նկարագրել մեծ հուզականությամբ: Արփիարյանի այս պատմվածքի մեջ ուժեղ են լիրիկական տարրերը: «Խնդամուրիկ աղջիկը» վիպակի մյուս արժանիքը կայանում է նրանում, վոր Արփիարյանը թեև թույլ, բայց տալիս է գրաշարների կազմակերպչածությունն անգործության դեմ պայքարելու համար: Նրանք ցանկանում են հիմնել գրաշարների ընկերություն և տպարան, հավաքում են փող իրենց անգործ ընկերոջ՝ Ղուկաս աղային ոգնելու համար:

Շահագործողների հանդեպ գրաշարները հյու և հնազանդ չեն, նրանք յեղնում են տարերային պայքարի:

Յերիտասարդ գրաշար Արտաշեսը կապիտալիստների մասին ասում է. — «Կապիտալիստները գող են, մեր տառապանքների պատճառը կապիտալիստներն են և կապիտալը»: Արտաշեսը գրաշարների մեջ ցրում է ինչ վոր թուղթիկներ: Դրանց բովանդակությունը մնում է անհայտ, վորովհետև վիպակի մեջ այդ կողմը պատկերացում չի ստացել և այդտեղ վերջանում է վիպակը: Թեմատիկայի տեսակետից այդ գործն ավելի արժեքավոր է, քան թե Արփիարյանի նախորդ նովելաները, սակայն վորպես գեղարվեստական գործ «Խնդամուրիկ աղջիկը» համեմատած նովելաների հետ ավելի թույլ է: Գործողություններն իրար հետ չեն կապակցված. կոմպոզիցիան հաճախ չերևան է գալիս վոչ միասնական և ամբողջական, օտացվում է այնպես, վոր այդ գործը չերկու տարբեր պատմվածքների տպավորություն է թողնում, վոր միացրել է մեխանիկորեն, առանց ներքին անհրաժեշտություն: Որինակ՝ Արմիկի և Սաթենիկի ինտրիգան առանձին պատմվածք է, իսկ Ղուկաս աղայի և իր գրաշար ընկերների գործն առանձին մաս է, վորն որդանապես չի շաղկապվում վիպակի առաջին մասի հետ: Այս գործն արժեքավոր է նրանով, վոր ցույց է տալիս Արփիարյանի աշխարհայացքի մեջ յեղած չերեմին ռադիկալ կողմերը: Նա հանդիսացել է բուրժուազիայի դադափարախոսը, բայց շնորհիվ քննադատական բեալիզմին կարողացել է վորոշ գեպքերում ճիշտ կերպով դիտել կյանքը և տալ այդ իր գործերի մեջ:



Արփիարյանի հաջորդ գործը հանդիսանում է «Կարմիր ժամուց» վիպակը, վորի մեջ միանգամայն պարզ ձևով չերևան է գալիս Արփիարյանի բուրժուական ազգայնական գաղափարախոսությունը: Առաջին անգամ այդ վիպակը լույս է տեսել 1903 թ. «Բանբեր գրականության և արվեստի» մեջ:

«Կարմիր ժամուց» գործի մեջ Արփիարյանի նացիոնալիզմը չերևան է գալիս իր վողջ մերկուծյամբ: Այս գործը ցույց է տալիս, վոր Արփիարյանը հանդիսացել է բուրժուական լիբերալիզմի՝ Գրիգոր Արծրունու հետևողական հետևորդն արևմտահայ գրականության մեջ: Վիպակի գլխավոր հերոսը տեր-Հուսիկն է, վորն առաջ կոչվելիս է չեղել Գաբրիել: Փոքր հասակում դաստիարակվել է բողոքական վարժապետ Արշամի մոտ, վորը հանդիսանում էր ազգայնական շարժման կազմակերպիչներից մեկը: Տեր-Հուսիկը Տոմոզ գյուղում կազմակերպում է հայդուկային խումբ և չերիտասարդներին զինում է հրացաններով:

Ազգայնական շարժմանն ավելի մեծ ծավալ տալու համար տեր-Հուսիկը գալիս է Կ. Պոլիս և իր քարոզներով սերմանում է ազգային թշնամանք: Նրա հետ ընդհարվում է թաղի մեծավորն՝ ամիրա Հայրապետ եֆենդին, վորը պահանջում էր տեր-Հուսիկից զադարեցնել այդ տեսակի քարոզները և լինել ավելի չափավոր:

Տեր-Հուսիկը շարունակում է իր քարոզները և վերջը ձերբակալվում է կառավարության կողմից:

Այս գրվածքը նացիոնալիստական գործ է: Արփիարյանը գրում է, վոր արևմտահայերի ծրագիրը պետք է հանդիսանա Բաֆֆու «Խենթը»: Տեր-Հուսիկն իր քարոզների մեջ առաջնորդվում է Բաֆֆու գաղափարներով: Արփիարյանի «Կարմիր ժամուցը» Բաֆֆիական ազգայնական տենդենցով հորինված մի վիպակ է: Չափավոր Հայրապետ եֆենդին վերջում հրաժարվում է իր գաղափարներից և համբուրում է տեր-Հուսիկի աջը: Նվիրում է տեր-Հուսիկին մի քանի վոսկի և ասում. «Ժողովրդի համար վառող, հրացան գնե—աս կարմիր ժամուց է»: Յեվ այդպես հաղթանակում են տեր-Հուսիկի գաղափարները, այլ խոսքով ասած հաղթանակում են Բաֆֆու ազգայնական տենդենցները:

Սա չէ Արփիարյանի «Կարմիր ժամուց» գրվածքի իդեան:

Վերոհիշյալ գրվածքով Արփիարյանը նոր խոսք չասաց գրականության մեջ, այլ ամբողջապես և նույնությունամբ կրկնել է Բաֆֆուն:

Արփիարյանի «Կարմիր ժամուց» գործը Բաֆֆու «Ձալալեդդին» գործի պատճենն է: Տեր-Հուսիկը պահանջում է, վոր յեկեղեցին ծառայի ազգայնականության շահերին, վոր յեկեղեցում խուսկ վառելու փոխարեն հարկավոր է պատրաստել հրանոթներ և վառող:

Դժվար չի նկատել, վոր տեր-Հուսիկը Բաֆֆու Դալի-Բաբայի յերկվորյակն է:

«Կարմիր ժամուցը» լինելով ազգայնական դրվածք, Բաֆֆու նման Արփիարյանն իրականությունը գոհել է իր գաղափարներից: Դրա հետևանքով Արփիարյանի այս գրվածքի մեջ ունակվում էր չափազանց միակողմանի չե և ճիշտ կերպով չի վերարտադրում իրերի դրությունը: Հետևելով Բաֆֆուն, Արփիարյանը ևս դնում է հայերի միասնության խնդիրն առանց դասակարգային խտրության: Այդ միասնությունը պետք է կատարվի բուրժուազիայի հեղեմոնիայի տակ, վերջինիս տիրապետությունն ապահովելու համար: Արփիարյանը չի տեսնում նույն ազգի մեջ չեղած տարբեր դասակարգերի պայքարը: Հանուն նացիոնալիզմի Արփիարյանը գոհում է ճշմարտականությունը:

Յեթե 1885 թվին գրված «Խնդամուլիկ աղջիկ» վիպակի մեջ Արփիարյանը տեսնում էր դասակարգային հակամարտություն, հայ գրաշարի կեղեքումը հայ կապիտալիստի ձեռքով, այն 1903 թ. գրված «Կարմիր ժամուց» գործում արդեն հրաժարվում է դրանից, փախչում է իր սեփական դասակարգին քննադատելուց:

Այս արդեն ցույց է տալիս Արփիարյանի ունակված անհետևողականությունը, նրա ունակված անթողի խախուռ հիմքերը:

Վորպես ունակված նովելլայի ներկայացուցիչ Արփիարյանից անհամեմատ ավելի բարձր է կանգնած արևմտահայ ունակված արձակի մյուս խոշոր ներկայացուցիչը՝ Գրիգոր Զոհրապը:

## 2. ԳՐԻԳՈՐ ԶՈՀՐԱՊ

Արփիարյանը Արփիարյանը խոսելով արևմտահայ գրականության մասին իր հոգվածներից մեկում գրում է. «Հայկական նոր գրականությունը չերկու գաղթավայրի մեջ ծնավ ու կբարգավաճի. Պոլիս և Իզմիր»: Գրականությունը զարգանալով Պոլսում և Իզմիրում, վորտեղ կենտրոնացած էր առևտրական բուրժուազիան, իր հերթին նպաստեց նովելլայի զարգացմանը:

Առևտրական բուրժուազիայի զարգացումով, արևմտահայ իրականութեան մեջ կատարվեցրն մեծ տեղաշարժեր: Կիսաֆեոդալական և նահապետական պարզ հարաբերությունները տեղի չեն տալիս կապիտալիզմին:

Կյանքն ավելի բարդանում և կտրատվում է բազմաթիվ մասնիկների, ստանում է բազմաթիվ յերանգավորումներ: Ստեղծվում են հասարական բազմաթիվ նոր նորմաներ: Այդ ամենը ստեղծեց և կյանքի կոչեց հասարակական կյանքի զարգացումը: Նոր յերեզույթներն առևտրական բուրժուազիայի առաջ հրամայաբար պահանջ են դնում ունենալ իր ուղեբատիվ, ձկուն, բոլոր յերևույթներին անմիջապես արձագանքող գրականություն: Այդ պահանջն առաջին հերթին կարող է յին բավարարել փոքր պատմվածքները՝ նովելլաները, վորոնք իրենց ձկունությունամբ և բազմաթիվ մանր յերևույթների, կյանքի բազմաթիվ և տարբեր անկյունների ընդգրկումով անհամեմատ մեծ ազավելություններ ունեն, քան, դիցուք, վեպը, վորը պահանջում է ավելի զանազակոտություն, պրելու յերկար ժամանակ և ավելի քիչ և ուղեբատիվ, քան թե նովելլան:

Այս հանգամանքը հանդիսացավ հիմնական պատճառներից մեկը, վորպեսզի արևմտահայ գրականության մեջ զարգանա նովելլան: Նովելլան դարձավ զարգացող առևտրական բուրժուազիայի շահերի ուղեբատիվ արտահայտիչը գրականության մեջ:

Նոսելով 19-րդ դարի 30—40-ական թվականների նովելլայի զարգացման պատճառների մասին Ռուսաստանում, Բելինսկին իր «Ռուսական պատմվածքի և Գոգոլի պատմվածքների մասին» հոդվածում գրում է.—«Մենք գործարար մարդիկ ենք, մենք անընդհատ վորոնումների մեջ ենք, մենք մտահոգված ենք, մենք թանգ ենք գնահատում ժամանակը, մենք չունենք ժամանակ կարդալու մեծ և յերկար գրքեր,—մի խոսքով մեզ անհրաժեշտ է պատմվածք (նովելլա—Գ. Անտոնյան): Մեր ժամանակակից կյանքը չափազանց բազմազան է, բարդ է և կտրտված, մենք ցանկանում ենք, վոր նա արտացոլի պոեզիայի մեջ ինչպես հախճապակյա անոթի մեջ—միլիոն անգամ կրկնված, բայց հնարավոր ոբրազներով—և պահանջում ենք պատմվածք: Կան դեպքեր, կան հանգամանքներ, վորոնք այսպես կոչված չեյին բավականացնի զրամային կամ վեպին, բայց վորոնք խոր են, վորոնք մի ակնթարթում կենտրոնացնում են այնքան կյանք, վորքան չի կարելի սպասել նրան դարերի ընթացքում: Պատմվածքը բռնում է նրանց և պարփակում է իր նեղ շրջանակի մեջ: Նրա ձևը կա-

րող է իր մեջ տեղավորել ինչ վոր ուղեք. յեվ բարքերի թեթև ոչերկ, յեվ սարկաստիկ սուր ծաղր մարդկանց ու հասարակություն վրա, յեվ հոգու խոր խորհրդավորություն, յեվ կրքերի դաժան խաղ: Կարճ և արագ, թեթև և խոր միասին վերցրած, նա թռչում է մի իրից մյուսը, կտրատում է կյանքը մասնիկների և պոկում է թերթիկներ այս կյանքի մեծ գրքից: Միացրեք այդ թերթիկները մի կազմի մեջ և կստացվի Ինչպիսի լայնածավալ գիրք, ինչպիսի լայնածավալ վեպ... Վեպը և պատմվածքը ելույթյամբ նույն տեսակի յեն, վորոնք յերևան են յեկել մեր գրականության մեջ վոր այնքան վորոն և ընդորինակություն հետեվանքով, վորքան պահանջի հետևանքով»:

Բելինսկու այս տողերը հնարավորություն են տալիս մեզ պարզելու նովելլայի զարգացման պատճառներն արևմտահայ գրականության մեջ:

Գրիգոր Զոհրապն արևմտահայ գրականության և ընդհանրապես հայ գրականության մեջ յերևան է գալիս, վորպես կլասիկ նովելլիստ: Գրական այդ ժանրը նա զարգացրեց և հասցրեց բարձր աստիճանի: Վորպես նովելլիստ Զոհրապը մնում է չգերազանցված հեղինակ:

Նա գրական ասպարեզ է իջել 19-րդ դարի 90-ական թվականների վերջին:

Զոհրապի առաջին նովելլան տպվել է 1888 թվին «Մասիս» թերթում և կոչվում է «Ներսես»: Նույն թվին, նույն թերթում տպվել են «Ալբին» և մի շարք այլ նովելլաներ, իսկ 1890 թվին «Խարիսխ» և «Մեղա տեր» նովելլաները:

Գրիգոր Զոհրապի նովելլաները լույս են տեսել յերեք ժողովածույով. գրանք են՝ «Լուռ ցավեր», «Խղճմտանքի ձայներ» և «Կյանքը ինչպես վոր է», բոլորն էլ լույս են տեսել Պոլսում 1911 թվին: Այդ ժողովածուներից դուրս են մնացել մի շարք նովելլաներ, վորոնք իրենց սոցիալական և գեղարվեստական կողմով մի առանձին արժեք չեն ներկայացնում:

Մինչև նովելլաներ գրելը, Զոհրապը գրել է մի վիպակ, վորը նրա ստեղծագործության առաջին շրջանին է պատկանում: Այդ վիպակը կոչվում է «Անհետացած սերունդ մը», լույս է տեսել «Մասիս» թերթերում 1886 թվին, իսկ մի տարի անց լույս է տեսել առանձին գրքով:

«Անհետացած սերունդ մը» վիպակի նյութը վերցված է ուսանողական կյանքից: Սեղբակը, վորը սովորում է յերկրաչափություն և հարուստ ընտանիքի զավակ է, մնում է լքված թե ըն-

տանիքից և թե իր սիրած աղջկանից: Վերջը խելագարվում է և վախճանվում: Նրա մոտ ընկեր Տիգրանն ամուսնանում է Սեդրակի սիրած Սրբուհու հետ, առանձնանում է մի տեղ և ապրում է յերջանիկ: Մյուս ընկերը՝ Սոսրոֆը—անընդունակի մեկը—հասարակության մեջ մեծ դիրք է գրավում իր նենգ բնավորության հետևանքով: Հարստանում է իր կնոջ հարուստ ոժիտով: Բայց վերջում Սոսրոֆը ունենում է անհաջողություն թե հասարակական կյանքում և թե ընտանիքում: Հետևանքը լինում է այն, վոր թողնում է Պոլիսը և անհետանում:

Սա չե վիպակի համառոտ սյուժետը:

Վիպակի մեջ հաջող է գծված Սոսրոֆի տիպը: «Նպատակն արդարացնում է միջոցը»,—ունենալով այս նշանաբանը, նա ամեն ինչ ծառայեցնում է իր անհատական շահերին: «Վոչ վոք Սոսրոֆին չափ հաջողակ եր նվաստանալու արվեստի մեջ»,—ասում է Չոհրապը և տալիս է Սոսրոֆի բնավորության մի շարք հաջողված գեղարվեստական պատկերացումներ:

Հաջող են գծված նաև Սոսրոֆի կնոջ—Յեվգինյայի և հարուստ վաճառական Մարիմյանի տիպերը: Այդ յերկուսի նշանաբանը «կյանքը հաճույքի մեջ է» հանրահուշակ ըմբռման մեջ է կայանում: Մարիմյանը լինելով հարուստ և առորյա հոգսերից ազատ, կյանքի իմաստը գտնում է անբարոյականության մեջ: Այստեղ Չոհրապն ունի մի կարևոր դիտողություն, այն, վոր փողն ամենակարող է բուրժուական հասարակության մեջ և Մարիմյանը փողի ուժի շնորհիվ կարողանում է նվաստացնել իր առաջ գոռոզ ու մեծամիտ Յեվգինյային և դժբախտացնել շատ ուրիշներին:

Իրանք են «Անհետացած սերունդ մը» վիպակի հաջողված պերսոնաժները:

Բայց այդ գործն ամբողջության մեջ վերցրած թույլ է: Հատկապես Չոհրապին չի հաջողվում, յերբ ցանկանում է պատկերել շրական տիպերը: Այդ շարքի տիպերը հոգեբանորեն չեն պատճառաբանված և անդեմ են: Վերցնենք Սեդրակի տիպը: Նա ոժտված է մարդկային բնավորության բոլոր լավ գծերով: Անբընական և անկենդան է Սեդրակի ու Սրբուհու սերը—փոխանակ խոսելու սիրահար զուգրին հետաքրքրող խնդիրների մասին, հանդիպումների ժամանակ խոսում են գրականության, ազգային գործերի, գիտություն միջև և իսկ աստղաբաշխության մասին, բայց և վոչ մի խոսք սիրո մասին: Նրանք ավելի շուտ խրտվիլակներ են, քան թե կենդանի մարդիկ: Միանգամայն անբնական և անհամոզեցուցիչ է Սրբուհու ամուսնանալն ուրիշի հետ:

Հեղինակն այդ պատճառաբանում է նրանով, թե Սրբուհին ամուսնացել է իր կամքից անկախ, բայց այս կողմը չի յերևում վիպակի սյուժետի զարգացումից և վոչ մի գեղարվեստական ցուցադրություն չի ստացել: Դրությունից դուրս գալու համար Չոհրապը մի շատ թույլ հիմնավորում է տալիս.—«Կանացի սիրտն անհատակ ու անքննելի վիճ մը է. ճշտիվ չի կարելի անոր հոգվուն վիճակը հաստատել»:

Չկարողանալով տալ Սուրբիկի հոգեբանական փոխանցումը, հեղինակը խնդրին տալիս է վոչնչով չհիմնավորված լուծում: Անհամոզեցուցիչ է նաև Սեդրակի խելագարությունը և ապա Տիգրանի ու Սուրբիկի սերը: Իրար սիրում են վորպես քույր ու յերբայր և միայն Սուրբիկի ամուսնու՝ Սրամ եֆենդու մահվան ժամին արտասանած խոսքից հետո, այն է՝ «Ամուսնանալ Սուրբիկի հետ և լինել իր զավակների հայր»,—նրանք սկսում են իրար սիրել բնական սիրով և վերջում ամուսնանում են: Երիծույն նաև Տիգրանի առաջին սերը Հելլենուհու հետ: Առհասարակ Չոհրապի մոտ նկատելի չե, վոր սերը յերևան է գալիս անսորմալ վիճակով, բնական սիրո տեղ յերևան է գալիս միտիկական անմարմին սերը կամ դրա ծայրահեղ կողմը՝ ֆիզիոլոգիական անասնական կիրքը:

Այս կողմը հատկապես յերևան է գալիս նրա նովելաներում: Կոմպոզիցիայի և սյուժետի զարգացման կողմից այդ վիպակը նույնպես ունի մի շարք թերություններ: Վիպակի մի մասը չի շաղկապված մյուսի հետ և որդանական ամբողջություն չի կազմում: Վիպակի առաջին մասը, վոր կոչվում է «Սեդրակ», մի առանձին նովելա չե, վոր շատ թույլ է կապված վիպակի յերկրորդ մասի հետ: Եստ դեպքերում Չոհրապը տիպերի վիճակը չի հիմնավորում և դիմում է կույր պատահականության. որինակ՝ Տիգրանը պատահաբար հանդիպում է Հելլենուհուն և սիրահարվում նրա վրա, պատահաբար հանդիպում է Հելլենուհու զատավարությանը և ազատում մահից, պատահաբար գյուղում հանդիպում է Սրբուհուն և վերջն ամուսնանում նրա հետ: Տիպերը չեն տրված իրենց միջավայրի մեջ: Նկարագրում է յերեք ուսանողների կյանքը, թվում է, թե դա վիպակ է ուսանողական կյանքից, զոնե հեղինակն այդպես է ասում, բայց վոչ մի խոսք ուսանողական կյանքի մասին, նրանց կենցաղի մասին:

Տիպերի պատկերացումը տրված է ումանտիկական մեթոդով. շրական հերոսներն ոժտված են լավագույն կողմերով և վոչ մի արատ չունեն, իսկ բացասական տիպերը խտացրված են մարդ-

43488-63



կալին՝ բնավորութեան ամենաստոր գծերով: Մինչև իսկ նրանց արտաքինը դարձյալ վանող է. որինակ՝ Սոսորովի արտաքինի նկարագիրը — «իր կարճ հասակով, ցած ճակատով, դուռ մազերով և ծաղկավեր ճակատով»:

Տիպերի կերտման այս ձևը հատուկ է ուսմանտիպական մեթոդին: Հետո, գործ է ածում այնպիսի պատկերներ և վոճական դարձվածքներ, վորոնք հատուկ կարող են լինել դարձյալ ուսմանտիպին, Հելենուհու արտաքին նկարագիրը՝ «դիցուհի մը պես գեղանի» կամ այս համեմատութունը՝ «հաղորդելով յուր աչերուն ավերիչ կրակը»: Մի յերգչի մասին հետևյալն է ստում. — «Յերգիչ մը չեր նա, այլ ներշնչյալ ու գերագույն վողի մը, վոր կիշխեր բոլոր ներկայից վրա»: Մի այլ պատկեր՝ «դուրբակ հասակն յերազի մեջ յերեցող և խղուսփող տեսիլ մը կհիշեցնէր, գոր կորսցնելու վախով մարդս կվախնա ձեռք դպցնելու»:

Վերոհիշյալ բոլոր պատկերները հետու յեն ուսմանտիպական լինելուց: Չորսրայն այս վիպակում հիմնականում լինելով ուսմանտիպական դիրքերի վրա, գերծ չէ նաև ուսմանտիպի ուժեղ ազդեցութունից: «Անհետացած սերունդ մը» վիպակը Չորսրայի վաղ շրջանի գործերիցն է, վորպես ստեղծագործութուն թույլ է և անմշակ: Հետագայում Չորսրայը՝ հենց ինքը հրատարակեց այդ գրվածքից: Չորսրայը հետագայում չգրեց վիպակներ: Չորսրայի վողջ տաղանդը յերևան յեկավ ուսմանտիպական նովելայի ասպարեզում: Իրիգոր Չորսրայի յերեք ժողովածուներում ամփոփված են ընդամենը 34 նովելա, վորոնք իրենց հասարակական և գեղարվեստական արժեքի տեսակետից նույն բարձրութեան վրա չեն կանդնած: Մի շարք նովելաներ գուրկ են ընդհանրացումներից և տալիս են մասնակի յերևույթներ. վորոշ դեպքերում հիշեցնում են անեկդոտներ: Իրանք ավելի շուտ արձակ բանաստեղծութուններ են, քան նովելաներ: Նովելաների այդ շարքին են պատկանում «Ռեհան», «Կապիկը», «Մամայիդ բարև ըրե», «Մյուսը», «Առջի սեր, առջի բարի», «Կատակ», «Խնդուքը», «Ջեյրան», «Տալիս», «Սյինկա», «Իրմակը», «Ճոկո», «Արմենիսա», «Կարծեմ թե» և այլն: Ինչպես այս, նույնպես և մյուս նովելաներում Չորսրայի թեմատիկայի տիրապետող դիժը հանդիսանում է սեռի պրոբլեմը՝ տղամարդու և կնոջ փոխհարաբերութեան հարցը: Սյդ պրոբլեմը Չորսրայը լուծում է բուրժուական գաղափարախոսութեան տեսանկյունով: Վերոհիշյալ նովելաների մեջ Չորսրայը խոսում է կնոջ դավաճանութեան մասին, առաջին սիրո քաղցրութեան մասին, և մի շարք այլ սեռական խնդիրների մասին, վորոնք հետու յեն ընդհանրացումներից:

Սյդ նովելաների մեջ տիրապետող դիժը լիրիզմն է: Նովելային հատուկ պատմողական վոճը տեղի չէ տալիս հեղինակի լիրիկական գեղումներին: Սյդ կողմից գեղեցիկ է հատկապես «Չարուդոն» պատմվածքը, վորտեղ նկարագրված են ավազակի հոգեբանութունը և նրա բնավորութեան պոետական գծերը: «Խնդուք», «Տալիս», «Իրմակը» և «Ճոկո» նովելաներում նույնպես ուժեղ է լիրիզմը, վորի շնորհիվ այդ գործերը նույնպես աչքի յեն ընկնում գեղացուներին հագեցվածութամբ:

Չորսրայի նովելաներն աչքի յեն ընկնում նաև իրենց հաջող կոմպոզիցիայով: Ստեղծում են մի շարք հաջող պատկերներ, որինակ՝ «Իրմակը» պատմվածքի մեջ Արշակը պարահանդեսի ժամանակ չի ճանաչում իր սիրածին, վորը դեմքին հաղել էր դիմակ: Աղջիկը մեղադրում է տղային այն բանում, վոր իրեն չճանաչելու պատճառը վոչ թե դիմակն էր, այլ այն, վոր տղաները սիրում են աչքերով և վոչ թե սրտով: «Խնդուք» նովելայի մեջ տալիս է այն աղջկա տիպը, վորն իր ժպտը շուտով է բոլորին ընդհանուր համակրանք ստեղծելու համար:

Վերոհիշյալ նովելաների մյուս բնորոշ գիծն այն է, վոր գլխավոր հերոսները թեպես առողջ են ֆիզիկապես, բայց հոգեպես հիվանդոտ տիպեր են:

Սյդ կողմից Չորսրայի տիպերը հիշեցնում են Նար-Իոսի պատկերած տիպերը: Սյս հանգամանքը ցույց է տալիս, վոր նեխված է այն հասարակարգը, վոր ստեղծում է այդպիսի հիվանդագին անձնավորութուններ: Սյդ ցույց տալու համար կարելի չէ բերել բազմաթիվ որինակներ. Սերֆինազը («Մամայիդ բարև ըրե») խմում է ողի և ջղային է, Եմման («Մյուսը») թողնում է անդամալուծ ամուսնուն և նետվում ուրիշ գիրկը, հետո դավաճանում է յերկրորդին և նորից հանձնվում իր նախկին ամուսնուն: Եմմայի ամուսինը հիվանդոտ է և պետք է շուտով մեռնի: Կարելի չէ բերել այլ բազմաթիվ որինակներ ևս, բայց այսքանն էլ բավական է համոզվելու: Վերև թված նովելաները ուսմանտիպական են, բայց այստեղ ևս կան ուսմանտիպական պատկերներ, համեմատութուններ, ինչպես այդ մենք տեսանք Չորսրայի վիպակի մեջ: Մի որինակ. «Հիմա ալ մահը կուզար իր ձեռքն հափշտակելու համար զայն, ու ան ալ չեր հաջողեր, սիրելին հոն էր միշտ, իր դեմը, իր աչքի առջև, այն առաջին որվա անուշ ու տրտում նայվածքովը, վոր չի գրուի, չի գուրցուի ու չի մոռցուի: («Կատակ»): Չորսրայի նովելաների յերկրորդ շարքը — դա այն պատմվածքներն են, վորտեղ հեղինակը տալիս է կնոջ, սիրո

և ընտանիքի պրոբլեմը: Այդ նովելլաները հասարակական և դե-  
ղարվեստական արժեքի տեսակետից ավելի բարձր են կանգնած,  
քան նախորդ նովելլաները: Այստեղ ավելի քիչ է լիրիզմը, դրա  
փոխարեն այստեղ առկա յե սյուժետային զարգացումը և խնդիր-  
ներին տալիս է հասարակական արժեքավորում, այսինքն ընդ-  
հանրացումներ և կատարում: Այդ տիպի նովելլաների շարքին  
կարելի յե դասել՝ «Անդրշիրիմի սեր», «Պարահանդեսին վաղոր-  
դայնը», «Կապիկը», «Զմարադտա», «Յերջանիկ մահը», «Մառա»  
և «Փոթուրլըն» նովելլաները:

Այս նովելլաների մեջ գլխավոր թեման, ինչպես արդեն ասա-  
ցինք, սիրո խնդիրն է: Այդ հիմնական թեման Զոհրապը լուծում  
է յերկու իրար հակառակ ուղղութիւնով, ըստ վորում այդ յերկու  
լուծումներն էլ հասնում են ծայրահեղութիւն: Մի դեպքում սերը  
և կինը Զոհրապի մոտ յերևան են գալիս վորպես միատիկական  
անմարմին սեր, իսկ կինը՝ վորպես մի յերևակայական միֆ,  
յերկրորդ դեպքում սերը և կինը յերևան են գալիս վորպես Ֆի-  
զիոլոգիական անասնական կիրք, կինը վորպես գեղեցիկ մարմնի  
ապրանք և տղամարդու Ֆիզիոլոգիական հաճույքներին բավա-  
րարող:

Վերցնենք «Անդրշիրիմի սեր» նովելլան: Կոնսուլի կինը դա-  
վաճանութիւն հետևանքով ամուսնաթող է լինում և վախճանվում:  
Հերոսը յերևակայութիւն մեջ պատկերում է այդ կնոջ արտաքին  
շքեղութիւնը և սիրահարվում է նրա վրա: Հերոսուհու մահից  
հետո յե միայն, վոր հերոսը սիրում է նրան և բանը հասնում է  
նրան, վոր մեռածի հայրը պատմվածքի հերոսին կոչում է իր  
փեսան: Այդ մի բառը լինում է հերոսի գերագույն հաճույքը:  
«Անդրշիրիմի սեր» վերնագիրն արդեն իսկ ընտելագրում է, թե  
ինչպիսի սեր պետք է լինի: Դա մի սեր է առանց կոնկրետ կնոջ,  
հերոսը սիրահարված է միայն կնոջ մտապատկերի վրա: Այդ  
նովելլայի շարքին են պատկանում նաև «Ռեհան», «Առջի սեր,  
առջի բարի», «Մայրապետը» և մի շարք այլ նովելլաներ:

Իսկ Զոհրապի մոտ ավելի ուժեղ շեշտված է սիրո և կնոջ  
խնդրի լուծման յերկրորդ կողմը: Այդ տիպի նովելլաների շարքին  
են պատկանում՝ «Պարահանդեսին վաղորդայնը», «Կապիկը»,  
«Յերջանիկ մահը» և «Մառա» նովելլաները: «Պարահանդեսին  
վաղորդայնի» հերոսուհին մի սալոնային տիկին է և կյանքի  
իմաստը գտնում է սիրո և վայելքի մեջ. «Միտո համար ձան-  
ձրույթի ավելի մահացու բան չկա»,—ասում է հերոսուհին և  
յերբ բանաստեղծ Դավթյանը ցուցաբերում է միայն իդեալական-

ասպետական սեր, ապա հերոսուհու կողմից արժանանում է ծաղրի  
ու հեգնանքի: Հեղինակը Դավթյանի, այսինքն բարոյական մաք-  
րութիւն կողմն է՝ «գաղափարական բանական խելքը հաղթում է  
Պուտո ապականութիւնը»:

Զոհրապը շնորհիվ իր սեռալիստական մեթոդին կարողացել է  
մերկացնել Պուտի բարձր խավի բարքերի քայքայումը: «Յերջա-  
նիկ մահը» նովելլայի հերոսուհին գտնում է, վոր կինը ստեղծ-  
ված է տղամարդուն հաճույք պատճառելու համար միայն: Հերո-  
սուհին այն համոզմունքին է, թե կարիք չկա յերկարացնելու  
կնոջ կյանքը, վորովհետև «կինը իր յերիտասարդութիւն, իր  
հրապուրչներուն մեջ կրնա վար դնել, կեցնել: Չք կրնար, թող  
տվեք ուրեմն, վոր երթա հոսկե, իր պաշտոնը, իր կոչումը ավար-  
տած է ան, ի՞նչ, կպահանջես ձայնը մարած յերգիչին, վոր  
սրահին վրայ կենայ, մինչև վոր սուլեն, ծաղրեն ու նախատեն  
զինքը. կինը ծիծաղ մըն է, պետք չէ, վոր լացի փոխվի»: («Կյանքը  
ինչպես վոր է», էջ 28):

«Պարահանդեսին վաղորդայնը» նովելլայի նման Զոհրապն այս-  
տեղ ևս տալիս է բուրժուական վերնախավի այլասերված բար-  
քերի քննադատութիւնը և Զոհրապը մեզ համար արժեքավոր է  
այնքանով, վոր չափով վոր նա տվել է իր դասակարգի՝ բուր-  
ժուազիայի քննադատութիւնը, այդ հասարակութիւնի նեխված  
կողմերի մերկացումը:

Կյանքի մասին մի քիչ այլ պատկերացում ունի Մառան—  
«Մառա» նովելլայի հերոսուհին: Նրա կարծիքով կինը չպետք է  
սեռական վայելքի մասին մտածի, մինչև վոր կենդանի յե ամու-  
սինը: Իսկ յերբ մեռնում է Մառայի ամուսինը, նա պատրաստ է  
անձնատուր լինելու իր սիրածին, իր մեռած ամուսնու դեռ տաք  
դիակի մոտ: Զոհրապի մի շարք նովելլաների հերոսուհիները,  
իրենք էլ զգում են, վոր ստեղծված են հաճույքի իր լինելու  
համար:

Զոհրապի արժեքը կայանում է նրանում, վոր քննադատում է  
բուրժուական հասարակութիւնը, վոր կնոջը դարձրել է ապրանք:  
Բուրժուազիան մասնավոր սեփականութիւնը հոչակեց սրբու-  
թիւն: Այդ մասնավոր սեփականութիւնն ապրանքից տարածվեց  
նաև կնոջ վրա, դարձնելով նրան ևս ապրանք կապիտալիստա-  
կան հասարակութիւն մեջ.—«Սեփականութիւն խնդիրն է աս,  
վոր անշուշտ նյութեն անցնելով մինչև կնոջ վրա կձանրանա»:

Զոհրապն արդարացնում է հերոսուհու դավաճանութիւնը,  
գտնելով վոր դա կապ չունի պատվի հետ: Սեփականութիւն

գազափարն և այս դեպքում իշխողը, վորը տղամարդուն մղում է գեպի կնոջ կամքի բռնացումը: Զոհրապի տարվող քննադատութիւնն այս ուղղութեամբ հանդիսանում է նրա նովելլաների արժանիքներից մեկը, բայց նրա հիմնական թերութիւնն այն է, վոր այդ գրութիւնից դուրս գալու համար վոչ մի չեւք չի առաջադրում: Զոհրապն աշխատում է մեկնաբանել աշխարհը, բայց թե ինչպես այդ վերափոխել՝ դրա մասին և վոչ մի ծրագիր չի առաջադրում:

Անասնական սիրո և բիւրոգիմի պատկերումը իր կուլմինացիոն կետին է հասնում «Կապիկ» նովելլայում, վորը հետևյալ բովանդակութիւնն ունի: Կապիկը սիրահարվում է Մորիզոն անունով հուշն սպասուհու վրա: Նրան տեսնելուց կապիկը մարմնի մեջ գգում է դող, աչքերը կրքոտութեամբ փայլում են, իսկ յերբ Մորիզոնը խոսում է տղամարդկանց հետ, զգում է խանդ: Մորիզոնը հեռանում է այն տնից, վորտեղ գտնվում եր կապիկը: Վերջինս ընկնում է թախիծի մեջ, կախում է իրեն և վերջ տալիս կյանքին:

Նախորդ նովելլաների մեջ և հատկապես «Կապիկ» նովելլայում զգացվում է նատուրալիզմի ուժեղ ազդեցութիւնը Գրիզոր Զոհրապի վրա: Նատուրալիզմի ազդեցութիւնը չերևան է գալիս մի այլ ուղղութեամբ ևս: Այդ այն է, վոր Զոհրապի մոտ վորոշակի շեշտված է ժառանգական հիվանդութեան թերիան, վորը լայն ծավալ է ստացել չեվրոպական գրականութեան նատուրալիստական շիտայում: Կարելի չէ բերել մի շարք որինակներ: «Լուսահոգին» նովելլայի մեջ Գեվորգ աղան մեռնում է սրտի կաթվածից: Նրա վորդի Նիկաղայոս աղան նույնպես մեռնում է սրտի կաթվածից, աղջիկը—Նիկտար խանումը դարձյալ մեռնում է նույն հիվանդութիւնից: «Ու նորեն ժառանգութիւն եր, ախտի ժառանգութիւն»:

Զոհրապն իր գրական մեթոդով հիմնականում ռեալիստ է. պատկերները, վոճը ռեալիստական են: Բայց իր վաղ ստեղծագործութիւններում տուրք է տվել ռոմանտիզմին, իսկ հետագա գործերում ուժեղ չափով յերևան է գալիս նաև նատուրալիզմի ազդեցութիւնը:

Վերոհիշյալ նովելլաներն այդ են վկայում: Զոհրապը կարողացել է շատ դեպքում ճիշտ նկատել կյանքի վորոշ կողմերը և պատկերել այն: Հատկապես հաջողված է, յերբ նա տալիս է բուրժուական վերնախավի քննադատութիւնը: Զոհրապի վերոհիշյալ նովելլաների հերոսուհիները լինելով բուրժուական վեր-

նախավից՝ ազատ են առուրչա կյանքի հոգսերից: Նրանք կյանքի իմաստը փնտրում են հաճուքի և սեռական վայելքի մեջ: Նրանց մոտ ուժեղ է բիւրոգիական պահանջը, նրանք ամենից շատ սարսափում են ձանձրութիւց: Այդ հերոսուհիները մոտ բացակայում է առողջ, կենդանի սերը: Աշխատավոր խավի կինը չեր կարող այդ ձևով մտածել: Դրա լավագույն որինակը ծառայում է հենց Զոհրապի մի այլ նովելլան, վոր կոչվում է «Զմարադտա»: Զմարադտան յեկել է գլուղից: Նա յեկել է Պոլիս մի կտոր հաց վաստակելու համար: Նա սիրում է մի մսագործ տղայի և խուլս է տալիս հարուստ յերիտասարդների հետապնդումներից, վորոնց գրպանները լիքն են, բայց գլուխները դատարկ: Յերիտասարդ տիրոջ հարցին, թե ինչու իրեն կամ մյուս հարուստներին սիրելու փոխարեն սիրում է մի կեղտոտ մսագործի, Զմարադտան դրան պատասխանում է. «Տիկիններն ձերն են և ձերը թող ըլլան, բայց գեղջուկ աղջիկը իրն է ու իրը պետք է մնա»: («Լուս ցավեր», էջ 210):

Զմարադտան տեսնում է այն դասակարգային անջրպետը, վոր բաժանում է իրեն իր տիրոջից: Նա ասում է. «Բախտը քեզի ամեն վայելք լի ու լի շուրջել է անիրավ առատաձեռնութեամբ և ատիկա՝ ուրիշներու զրկանքովը շինված է»: (Նույն տեղ, էջ 209):

Ինչպես տեսնում ենք, գեղջուկին կյանքի և սիրո մասին միանգամայն այլ պատկերացում և հասկացողութիւն ունի, քան թե սալոնային տիկինները, վորոնք կյանքի մեջ ամենից շատ սարսափում են ձանձրութիւց:

Հասարակական կյանքի ընդհանրացման և տիպականացման կողմից առավել ևս արժեքավոր են՝ «Ժամին բակը», «Փոստալը», «Մագթադինեն» և «Ճիտին պարտքը» նովելլաները: Այդ նովելլաները հաջողված են վոչ միայն Զոհրապի ստեղծագործութեան մեջ, այլ և հայ գրականութեան պատմութեան մեջ, դրանցից ամեն մեկը մի գլուխ գործոց է վորպես նովելլայի ժանրի ստեղծագործութիւն: Նախքան այդպիսի վարպետութեան հասնելը Զոհրապը գրել է նաև մի շարք այլ արժեքավոր գործեր: Դրանց շարքին են պատկանում՝ «Լուսահոգին», «Փուրթունա», «Մեղա տեր», «Այրին» և «Վերադարձը» նովելլաները:

Այդ նովելլաները հետաքրքիր են գեղարվեստական արժեքի տեսակետից: Բուրժուական վերնախավի քննադատութիւնն այստեղ առավել ևս ուժեղ է տրված, այնպես վոր հասարականորեն նույնպես արժեքավորվում են վերոհիշյալ նովելլաները: Ունեն

հետաքրքիր կոմպոզիցիա և լարված սիտուացիաներ: Հատկապես կիրառում է դրուժյան և հակադրուժյան մեթոդը, վոր պատմը-վածքը դարձնում է առավել ևս տպավորիչ: Վերջիննք «Լուսա-հոգին» նովելլան: Նիկողոս աղա Գևորգյանը մեծ կարողության տեր, հասակն առած մի ամուրի յե: Չի ամուսնանում, վորովհե-տև աստվածասեր է և սովորութուններին հետևող. նրա յերկու քույրերը դեռ չեն ամուսնացել, սպասում է նրանց: Շրջակայ-քում հռչակված է վորպես անչափ բարի մարդ. «Մայրերը և հայրերը «շնորհքով» խոսքը մտիկ ընող զավիթ որինակ ցույց կուտային այս աղբբեկ մաղերով մարդը»:

Պատմվածքի առաջին մասի ընդհանուր տպավորութունն այս է: Յերկրորդ մասի սյուժետը հակառակ ընթացք է ստանում: Պարզվում է, վոր Նիկողոս աղայի շուրջը ստեղծված կարծիքը միանգամայն խարուսիկ է, վոր նա ծածուկ կապված է մի կնոջ հետ և ունի յերկու զավակ: Մահից առաջ նրանց վոչինչ չի կտակել և կինն ու յերկու զավակները մոռում են ծայր աստիճան էարեքի ու նեղության մեջ: Դա ռեալիստական նովելլա յե, բայց Նիկողոս աղայի բացասական տիպը կերակրիս Զոհրապը վոչինչ չի խնայել գույները խոսցնելու համար և ընկել է ռոմանտիկա-կան չափազանցութունների մեջ, որինակ՝ Նիկողոս աղայի դիակի նկարագիրը. «Իրակի գարշելի հոտը կծավալեր, դուրս կելլեր, գոց սնդուկին չորս գիեն... Ժայթքելով դուրս գերեզմանի մը մինչև մուտքը հասնելուն իսկ չսպասելով»:

Զոհրապը «Լուսահոգի» գործի մեջ տալիս է հարուստների կեղծիքի մերկացումը: Դրա հետ մեկտեղ ծաղրում է հոգևորակա-նությանը, վոր վոչինչ չի խնայում հարուստ Նիկողոս աղային շուքով թաղելու համար: Մի այլ տեղ՝ «Մեղա տեր» նովելլայում, նույնպես տալիս է կեղծ բարեպաշտի մերկացումը: Այս պատմ-վածքի հերոսը մի իսկական Տարսուլուֆ է: Նա ամեն որ կանոնա-վոր հաճախում է յեկեղեցի և տիրոջից մեղա յե հայցում յերկրա-յին մեղքերի համար: Բայց այդ բարեպաշտի ներսում թաղնված են մարդկային բնավորության ամենաստոր գծերը: Նա հափշտա-կում է մեկի ավանդը և այդ մեծ գումարով դառնում ամենակա-րող հարուստներից մեկը: Նա տիրացուից դառնում է Մարտիրոս աղա: «Վերադարձը» նովելլայի մեջ տալիս է խոշոր վաճառակա-նության խարդախ գործարքների մերկացումը: Վաճառականու-թյունը Զոհրապը նույնացնում է գողության հետ. «Վաճառականի կյանքը այն մեծ Բոլորոնները, վորոնք զինքը հարստացուցած են և վորոնց մեջ յես ներսես գողությունն զատ բան մը չեմ գտներ»: («Կյանքը ինչպես վոր է», էջ 133):

Ինչպես տեսնում ենք Զոհրապը նուրը հումորով քննադատում է բուրժուական վերնախավը, սակայն չպետք է կարծել, թե Զոհրապն այդ քննադատությամբ ժխտում է բուրժուադիալին: Զոհրապի յերգիծանքն ունի դաստիրակչական բնույթ, այսինքն նա տալիս է բուրժուական վերնախավի քննադատությունը՝ նրան դաստիրակելու, ուղղելու նպատակով: Զոհրապը յերևան է գալիս վորպես բարենորոգիչ: Տալով բուրժուական վերնախավի քննադատությունը, նա միևնույն ժամանակ համակրանքով է խոսում աշխատավոր մարդկանց մասին: Այդ կողմից արժեքավոր են նրա յերկու նովելլաները՝ «Փուրթունա» և «Այրին»: Առաջին նովելլայում Զոհրապը հաջողությամբ կարողացել է տալ մանր սեփականատիրոջ՝ նավաստու հոգեբանությունը և նրա վիճակը:

Նավաստին ունի մի փոքրիկ գեղեցիկ նավակ, վորին սիրում է հարազատ վորդու չափ: Դա նրա միակ սեփականությունն է: Դա յե նրա միակ յեկամուտի աղբյուրը: Նավաստին նշանված է, և աշխատանի ժամին միշտ յերազում է ապագա բախտավոր կյանքի մասին: Նա գոհ է իր վիճակից և կյանքից: Մանր սե-փականատիրոջ հոգեբանությունը տրված է շատ գեղեցիկ, Զոհ-րապի վոճին հատուկ պատկերավորությամբ: Նավաստու յերազ-ները յերկար չեն շարունակվում: «Փուրթունան» — ամենակարող մրերիկ խորտակում է նավակը: Նավաստին ծալրահեղ հուսահա-տության մեջ է, նա մոռանում է իր սիրած աղջկան և անձնա-տուր է լինում ողուն: Նավաստու վողջ իդեալը ողն է ցնդում սապնե պղպշակի նման: Մանր սեփականատերը խորտակվում է մի պատահարով:

Պատմվածքը գրված է ուժեղ պատկերավորությամբ և գեղե-ցիկ լիրիզմով: Մյուս նովելլայում («Այրին») Զոհրապն արծար-ծում է պանդխտության պրոբլեմը:

Համագլուղացիներ Մարտիրոսը և Խաչոն մի կտոր հաց վաս-տակելու համար գալիս են Կ. Պոլիս: Մարտիրոսին բախտը ժպտում է. նա մոռնում է ծառայության մի հարուստ վաճառա-տուն: Հարուստ թաղամասի՝ Բերայի կանաչը հիացած են նրա արտաքինով և յերես են տալիս նրան: Թեթև աշխատանքով ձեռք է բերում փող, վայելում է կյանքի հաճույքները և Բերայի հա-րուստ կանանց մարմինը: Մարտիրոսը բարոյապես քայքայվում է, մոռանում է իր կնոջը, ընտանիքը և գյուղը: Նա Պոլսում ամուսնանում է մի հարուստ կնոջ հետ և այդ ամուսնությունն որինականացնում է թաղի տերտերը, վաղորդ վերցնելով մի վոսկի՝ վորպես կաշառք:

Պանդուխտներից մյուսը՝ Սաչոն ծանր աշխատանքով վաստակում է վորոշ գումար, վերադառնում է իր ընտանիքի գիրկը: Գնում է յեղևեր ու գութան և ապրում յերջանիկ: Այս նովելայի մեջ հաջողված է այն մասը, վորտեղ նկարագրված են պանդուխտության հետևանքով ստեղծված չարիքները, գյուղացիության քայքայումը և Կրանց պլասերումը մեծ քաղաքներում: Կապիտալիզմի հարվածների տակ քայքայվում է գյուղը: Այս կողմը վորոշ արտահայտությունն է գտել «Այրին» պատմվածքի մեջ: Մակայն այդ բոլորից հետո Չոհրապը դարձյալ համապատասխան չեզրահացությունն չի անում: Նա կապիտալիզմը չի բացատում:

Չոհրապը կարծում է, թե հարստանալու միակ պատճառը շահագործելը չէ, այլ կարելի յե նաև մեծ հարստության տեր դարնալ «հալալ» աշխատանքի միջոցով: Այդ տեսանկյունով է տրված Ոհանջանի տիպը: Նա իր «աշխատասիրության» շնորհիվ դառնում է գյուղի գորբաններից մեկը («Փոթուրլըն» նովելային):

Յեկ այդպես, Չոհրապը չի ժխտում բուրժուական հասարակահարգը, նա միայն այդ հասարակահարգի վերանորոգչի դերով է հանդես գալիս: Այս կողմը հատկապես յերևան է գալիս նրա ամենահայտնի և ամենակարևոր չորս նովելաների մեջ՝ «Ճիտին պարտքը», «Փոսթալը», «Մազթաղինեն» և «Ժամին բակը»:

Սկսենք առաջին պատմվածքից:

«Ճիտին պարտք»-ի մեջ նա տալիս է սնանկացած առևտրականի կյանքը: Նար-Դոսի «Աննա Սարոյանի» նման սկսում է այնտեղից, յերբ այդ ընտանիքը միանգամայն սնանկացած է և կարոտ է որվա հացի:

Հարը դեղեր ցերեկ մտածում է իր յերկու փոքրիկ աղջիկներին կերակրելու մասին: Նրա անբաժան ընկերն է փոքրիկ պայուսակը, վորի մեջ տանում է տուն հաց և այլ կենսամթերքներ իր փոքրիկներին կերակրելու համար: Կյանքը քանի գնում, այնքան դժվար է դառնում. «Պարտքերը կղիղվեյին շուրջը—չարչին ամեն կողմ»:

Իրությունը հասնում է այնտեղ, վոր չի կարողանում գտնել դոնե չոր հաց զավակներին կերակրելու համար: Նա խեղդվում է ծովում՝ պայուսակը կապված վզից, լցված քարերով:

Պայուսակն անգամ դիակին հանգիստ չի տալիս, նա նրա անբաժան ընկերն է՝ «Ճիտին պարտքը». «Չուրին մեջ յերկուսնքն ալ կապված էյին, ինչպես կյանքի մեջ ալ դատված չեյին իրարե»: Պայուսակը յերևան է գալիս վորպես չքավորության և կարիքի սիմվոլ: Ծավալով շատ փոքր է այդ նովելային, բայց Չոհրապը

մեծ հաջողությամբ կարողացել է յերեվելությունները բյուրեղացնել և խորն իմաստ առլ: Նովելան գրված է մեծ հուզականությամբ, նուրբ լիբրիզով, սեղմ և պատկերավոր վոճով: Գրականությունը ժողովրդի կյանքի հայելու—Չոհրապի սկզբունքն այստեղ յերևան է գալիս իր դրական կողմերով: «Ճիտին պարտքը» նովելայի մեջ նա կարողացել է կատարել այդ սկզբունքի իսկական կիրառումը:

Բուրժուական հասարակության վերնախավի քննադատությունը և գրականությունը ժողովրդի կյանքի հայելու նրա սկզբունքն իր փայլուն արտահայտությունն է գտել «Փոստալը» նովելայի մեջ: Այդ նույն սկզբունքը հաջողությամբ կիրառել է նաև «Մազթաղինեն» նովելայում: Սկսենք վերջին նովելայից:

«Մազթաղինեն» պատմվածքում Չոհրապը պատկերում է պոռնիկի տիպը: Նա ոժտված է պոռնիկի բոլոր հատկություններով, գիտե տարբեր մարդկանց հետ վարվելու ձևերը: Անփորձ տղամարդկանց հանդեպ «նախահարձակ ինքը կըլար»: Չոհրապը վողբում է Մազթաղինեյի անկումը: Նրա պոռնիկ դառնալը կատարվել է իր կամքից անկախ: Բուրժուական հասարակությունն է նրան դարձրել պոռնիկ, կարիքն է նրան նետել դեպի մարմնի վաճառքը. «ինե յերկու տարու պղտիկ քույր մը ու ավելի պղտիկ յեղարք մը ունիմ, մեյ մըն ալ մեծ մայր մը ունիմ... ամենքը յես կպահեմ»,—ստում է Մազթաղինեն:

Չոհրապի առավելությունը կայանում է նրանում, վոր նա տեսել է կապիտալիզմի չարիքներից մեկը, այն, վոր բուրժուական հասարակության մեջ ամեն ինչ, դրա հետ նաև կնոջ մարմինը հանվում է վաճառքի: Չոհրապը պոռնիկության խնդիրը չի վերցնում ինքնանպատակ ձևով, այլ դրա մեջ դնում է սոցիալական բովանդակություն: Կարիքն է ստիպել Մազթաղինեյին ծախելու իր մարմինը: Նա ստում է. «Չեմ կրնար հաղորդություն առնել, քանի վոր վերջը դարձյալ մեղք պիտի գործեմ, կբացատրեր ինձի: Ի՞նչով պիտի ապրիմ չես, քույրս, յեղբայրս, ծեր մեծ մայրս պիտի ապրեցնեմ»:

Ինչպես տեսնում ենք, Մազթաղինեն վոչնչով նման չէ «Պարահանդեսի վաղորդայնի» սալոնային հերոսուհուն, վորը կյանքում ամենից շատ վախենում է ձանձրույթից:

Գյուղական միջավայրից յեկած Մազթաղինեն. ծախում է իր մարմինը հաց վաստակելու համար, իր ընտանիքը սովից փրկելու համար, իսկ «Պարահանդեսին վաղորդայնի» հերոսուհին այդ նույն բանը կատարում է կյանքից չձանձրանալու համար, ըստ



վորում վերջինս լինելով քաղաքակրթված էր մարմինը վաճառում  
է ավելի «նուրբ» ձևերով:

Բուրժուական հասարակութայն վերնախավի քննադատու-  
թյունն ավելի սուր ձևով տրված է «Փոստալում»:

Համառոտ բովանդակությունն այս է:

Շատ հարուստ Ղազար եֆենդու կինը՝ Սուրբիկը միջնորդ  
հաջի Տյուեֆիկից պահանջում է մի կին սպասուհի էր յերտա-  
սարդ վորդուն՝ Ոնիկին սպասարկելու համար. «Յեվ վախնալով  
վոր գալիք սպասուհին Ոնիկին սենյակը շտկելու, զգեստները  
մաքրելու սահմանելովը՝ պետք յեղածեն ավելի բացահայտ  
կերպով էր դիտավորութունները հասկացուցած կըլլա, իսկույն  
ավելցուց»... «Հանրմին ուզածը միամիտ աղջիկ մըն էր»:  
Միջնորդուհին գլուղից գտնում է ուզած սպասուհին: Դա լինում  
է նոր ամուսնացած Տիգրանուհին՝ սփռված կանացի բոլոր  
հատկություններով՝ «մեջքը բարակ, բայց հասակին բարձրու-  
թյունը և բարձերուն հարստությունը փայլած էր»:

Տիգրանուհին ստիպված թողնում է գլուղը, վորովհետև ան-  
խահատ բանվոր ամուսինը հանքում կոտրել էր վոտքը և այժմ  
անդամալույժ ու անզորժ նստած էր տանը: Տիգրանուհին ընտա-  
նիքը կերակրելու համար գալիս է քաղաք և վարձվում է սպա-  
սուհի Սուրբիկ հանրմի տանը: Սուրբիկը գոհ է այդ ընտրու-  
թյունից: Նա գտել է իր ուզածը: Տիգրանուհու շնորհիվ Ոնիկի  
մայրը հույս ունի իր վորդուն կտրել Բերայի ապականված  
միջավայրից: Տիգրանուհու համակրությունը գրավելու համար  
նվիրում է շորեր, հյուրասիրում է քաղցրավենիքներով և ավե-  
լացնում ռոճիկը:

Տիգրանուհին լինելով միամիտ, այդ ամենը վերագրում է  
տիրուհու բարերարութայնը:

Ոնիկը հետապնդում է նրան և միամիտ Տիգրանուհին զոհ է  
գնում նրա կրքերին: Յերկու տարուց հետո Տիգրանուհին հղիա-  
նում է և բոլորի կողմից խայտառակված, ծաղր ու ծանակի  
յենթարկված դուրս է շարտվում Ղազար եֆենդու տնից:

Ղազար եֆենդին և Սուրբիկ հանրմը հռչակվում են վորպես  
բարերար ու բարոյական մարդիկ և մարդիկ գատապարտում են  
Փոստալին:

Տիգրանուհին մնում է անութեան: Մեռնում է նրա գավակը:  
Մայրը ծախսում է իր վերջին կոպեկները, գնում է ծաղիկներ և  
ղարգարում էր մանկիկի գերեզմանը:

Այս նովելլան թեմատիկայի և կոմպոզիցիայի տեսակետից  
շատ և որգանական նմանություն ունի, յեթե համեմատելու լի-  
նենք Մոպսանի «Ճարպագունդ» նովելլայի հետ:

Տիգրանուհուն դժբախտացրել է Ոնիկը և այդ ամենը կատար-  
վել է Ոնիկի մոր՝ Սուրբիկ հանրմի շնորհիվ:

Այդ գիծը հատուկ չի չեղել միայն Պոլսի բուրժուական վեր-  
նախավին: Գրականության պատմությունից հայտնի յե, վոր  
բարձր հասարակութայն մեջ ընդունված է յեղել այն պրակտի-  
կան, վոր վարձում էին վորպես սպասուհիներ գեղջկուհիներին՝  
հետին նպատակները համար: Այդ յերևույթի մասին բավականին  
դիտողություններ ունի Լ. Տոլստոյը. որինակ՝ Տոլստոյի մեծ  
յեղբայր Վալդիլայի և սպասուհի Մաշայի դեպքը (տես Տոլստոյ  
«Մանկություն»), կամ «Հարություն» վեպի հետևյալ տողերը.  
«Տիկինն ընդունեց (կատուշային) քաղցրութամբ, հյուրասիրեց  
կարկանդակներով ու քաղցր վինով» և հետո «Մասլովան լսեց,  
վոր տան տիրուհին ասում է իր մասին, թե թարմ է, գեղջ-  
կունի յե»:

Ինչպես տեսնում ենք, այդ յերևույթը հատուկ է յեղել նաև  
սուսական ազնվականության միջավայրում: Զոհրապը շնորհիվ  
միայն իր սուր դիտողության կարողացել է նկատել այն և տալ  
«Փոստալ» նովելլայում:

Ինչպես արդեն ասացինք «Փոստալը» շատ նման է Մոպս-  
անի «Ճարպագունդ» նովելլային: Այդ հանգամանքը ցույց է  
տալիս, վոր Զոհրապը ազդեցություն է կրել Ֆրանսիական մեծա-  
գո յն նովելլիստից: Թե Փոստալը և թե Ճարպագունդը գլուղական  
միջավայրից չեն յելել. յերկուսն էլ զոհ են դառնում բարձր  
հասարակութայն ստորություններին: Տիգրանուհին զոհ չե դառ-  
նում Ոնիկին և այդ ամենը նախապատրաստել է վերջինիս մայրը.  
Իսկ Ճարպագունդը հյուրանոցում զոհ է գնում գերմանական  
սպայի կրքերին և այդ կատարվել է դարձյալ այսպես կոչված  
հասարակութայն ընտրյալների թելադրանքով: Թե Փոստալը և  
թե Ճարպագունդն առաջին հերթին հասարակական պարսավանքի  
յեն յենթարկվում հենց նրանց կողմից, ովքեր պատճառ են հան-  
դիսացել նրանց անկմանը. Փոստալին առաջին հերթին դատա-  
պարտում են Ղազար եֆենդին ու իր կինը, իսկ Ճարպագունդին  
իր հետ ուղեկցող և այդ քայլին ստիպող Ֆրանսիացի «բարե-  
պաշտ» քաղքենիները:

Զոհրապը Մոպսանի նման նուրբ հումորով ծաղրում է կեղծ  
բարեպաշտի տիպը և յերկուսն էլ իրենց հերոսուհիներին անկումը

վերագրում են տիրող պայմաններին և այդ պայմանները ղեկավարող տիրապետող խավերին: Յերկուսն էլ մեծ համակրանքով են խոսում իրենց հերոսուհիներին մասին և վողբում են նրանց անկումը:

Վերոհիշյալ նովելաները նման են նաև կոմպոզիցիայի կողմից: Որինակ՝ թե «Փոստալի» և թե «Ճարպազնդի» մեջ բոլոր դեպքերը կատարվում են համարյա մի տեղում: Չոհրապի մոտ բոլորը կատարվում է Սուրբիկ հանրմի տանը, իսկ Մոպասանի մոտ հյուրանոցում: Յերկու նովելաներն էլ հաղեցված են հորդաբուխ նուրբ լիբիզմով:

Նրանց հերոսուհիները հաղեցված են հուզականությամբ՝ առաջինի մոտ՝ Փոստալի դեղեցիկ մայրական զգացմունքները զավակի նկատմամբ, վորին նվիրում է իր վերջին կուպեկները, իսկ Մոպասանի մոտ այն, վոր Ճարպազունդը դարձյալ չի խնայում իր վերջին կտոր հացը և տալիս է այն քաղցած ճամբորդներին, ինքը մնալով առանց հացի, ինչպես Տիգրանուհին մնաց առանց գրոշի:

Այս բոլոր որինակները ցույց են տալիս, վոր Գրիգոր Չոհրապի որգանական ազդեցությունն է կրել Մոպասանից: Չոհրապը վորոշ ազդեցություն է կրել նաև Եմիլ Չոլայից. որինակ՝ Մագթադինեն հիշեցնում է Նանային: Յերկուսն էլ դուրս են յեկել գյուղական միջավայրից: Յերկուսն էլ գոհ են դառնում մեծ քաղաքի տարրերքին:

Չոհրապի «Ճիտին պարտքը» և «Փոստալը» հանդիսանում են նրա լավագույն գործերը: Ծնորհիվ իր ռեալիստական մեթոդին կարողացել է բուրժուական հասարակության թարախակլած կողմերը մերկացնել: Այդ նովելաները խոշոր գեղարվեստական ստեղծագործություններ են: Գրված են կուռ և միասնական կոմպոզիցիայով: Գրված են սեղմ, գեղեցիկ և պատկերավոր վոճով: Պատկերները և հերոսների գործածած լեզուն ռեալիստական են: Պատմողականության հետ մեկտեղ ուժեղ է նաև լիբիզմը. դա հանդիսանում է Չոհրապի նովելաների առանձնահատկություններից մեկը: Ծնորհիվ դրան վերոհիշյալ նովելաները դառնում են պատկերավոր և հուզիչ:

Բուրժուական հասարակությունը վոչ միայն կնոջ մարմինն է դարձրել ծախու, այլ և պատիվը, հավատքը և բարոյականության նորմաները: Բարձր հոգևորականությունը դաշնակցած բուրժուազիայի հետ՝ յեկեղեցին, հավատքը նույնպես դարձրել է առևտրի առարկա: Այդ կողմից բնորոշ է Չոհրապի «Ժամին բակը» պատմվածքը: Այս պատմվածքի մեջ Չոհրապը կարողացել

է միանգամայն հաջողությամբ գործադրել ռեալիստական մեթոդը՝ վորի շնորհիվ «Ժամին բակը» պատմվածքը հանդիսանում է Չոհրապի լավագույն գործերից մեկը: Համառոտ սյուժետն այս է:

Թաղական խորհուրդը վորոշում է մայր յեկեղեցու բակում թաղել մի հարստի դիակ, վորն իր անցյալով և վարքով արժանի չէ այդ մեծարանքին: Յեկեղեցու քահանան դեմ է դրան, համարելով այդ սրբապղծություն, և դիմում է առաջնորդին: Առաջնորդը քահանային խորհուրդ է տալիս չհակառակել դրան և խոնարհվել հարուստների առաջ: Սակայն քահանան չի կարողանում հաշտվել այդ ստորացուցիչ մաքր հետ: Բայց նա անգոր է և հարուստի դիակը թաղում են ժամի բակում: Չկարողանալով դիմադրել դրան, քահանան դիմում է պատիվ ընդդիմադրության, այսինքն՝ այլևս չի հաճախում յեկեղեցի: Հավատացյալ քահանան՝ տեր-Աբրահամը չհաշտվելով այդ մաքր հետ և չտանելով յեկեղեցու այդ անպատվությունը սրտի կսկիծից հիվանդանում է ու մեռնում:

Այս պատմվածքի մեջ, շնորհիվ իր ռեալիստական մեթոդի, Գրիգոր Չոհրապը կարողացել է նուրբ հուճորով ծաղրել և մերկացնել թաղական խորհրդի անդամներին, բարձր հոգևորականությանը և բուրժուազիային: Չոհրապը քննադատում է բարձր հոգևորականությանը և բուրժուազիային այն բանի համար, վոր նրանք մինչև անգամ հավատքը դուրս են հանել շուկա և յեկեղեցու բակը վերածել առևտրի:

Հանգուցյալի բարեկամները շնորհիվ խոստացած 150 վոսկուն կարողացել են բոլորին գրավել իրենց կողմը: Թաղական խորհրդի անդամներից մեկն ասում է. «150 վոսկին կարևոր գումար մըն է» և «ինքն ալ հույս ունեւ մի որ թաղվելու բակում: Ինքն ալ իր կարգին որ մը պզտիկ գումարով մը ժամու մը մեջ պիտի կրնար թաղվել. ինչո՞ւ չէ: Մեծ ճարտարուեստը (բուրժուական հասարակությունը Գ. Ա.) ամեն բան արժանացուցած էր այս դարուն. յեկեղեցին ալ պատվոյ և անմահության գիները իջեցնելու յեր»։ («Կյանքը ինչպես վոր է», էջ 73):

Յեկ այսպես, կապիտալիզմը «մեծ ճարտարուեստը» ամեն ինչ դարձրել է առևտրի առարկա—յեկեղեցին, պատիվը և անմահությունը նույնպես հանել է վաճառքի:

Թաղական խորհրդի անդամների դեմ ուղղված ուժեղ ծաղրը յերևան է գալիս այս բնորոշ պատկերի մեջ:—«Թաղական մը ննջեցեալին ժամու մեջ թաղվելուն դեմ առարկություն արավ, անիկա փորձ խանութպանի հնարք մըն էր, միտքը հիսուն վոսկի

մը եվել փրցնել եր միայն»։ Առևտուրը վերջացած է։ Հարուստ ննջեցյալը թաղվում է ժամի բակում։ Նա հուշակվում է վորպես բարեպաշտ և վորդորմասեր մարդ, մինչդեռ իրականության մեջ նա յեղել է ամենաստոր մարդկանցից մեկը։ «Հանգուցյալի կյանքն ալ, խոսքը միջերնիս, —ասում է թաղականներից մեկը,— շատ մաքուր չէր ու պատմություններ անպատված ու վնասված կույսերու, ընդունված ու չվերադարձված ավանդներու, սուտ յերդուններու՝ դուրս թափվեցան»։

Հեղինակը շատ դեպքերում չի կարողանում սառնասրտությամբ պատմել, նա հաճախակի ընդհատում է պատմության թելը ու խորհրդածություններ անում, վորոնց մեջ յերևում է հեղինակի վերաբերմունքը դեպի պատկերվող յերևույթը։ Որինակ. «Ու խորհրդարանին մեջ այս ութը—տասը մարդիկ հավաքված մարդկության են նուիրական սկզբունքները կառնելին կծախելին»։

Այդ առևտրի հետ չի հաշտվում միայն քահանան՝ տեր-Աբրահամը, նա բողոքով դիմում է առաջնորդին, իսկ վերջինս պատասխանում է. «Պատմությունը կհայտնե, վոր ամեն հասարակության մեջ զասակարգի զանազանությունները միշտ գոյութուն ունեցած են և ասկե վերջն ալ պիտի մնան։ Մեր հասարակության մեջ ունեվորը զատ զասակարգը մը կաղմած է և պիտի կաղմե, այն ալ մեր հոտին մեկ մասն է, են կարևոր մասը, զայն ալ սիրաշահենք»։

Խնդիրը պարզ է։ Բոլորը հարստի կողմն են։ Նրա դիակը թաղվում է ժամի բակում, իսկ «լրագիրները կհաղորդեն մանրամասնությունները, փղծելով այս մարդու մեծավայելուչ բարեպաշտության վրա»։ Յեվ այդպես ծախված են վոչ միայն յեկեղեցիները, այլ և լրագրերը։

Պատմվածքի սյուժետի զարգացումն ընթանում է իրականության և հերոսի՝ տեր-Աբրահամի իդեալի կոնտրաստի միջոցով, վորի հետևանքով խորտակվում է իդեալը։

Գրիգոր Չոփրապը հանդես է գալիս վորպես ռեֆորմատոր։ Նա պահանջում է, վոր յեկեղեցին լինի իր բարձրության վրա, այլ խոսքով ասած՝ Չոփրապը չի ժխտում կրոնը և յեկեղեցին։ Շնորհիվ ռեալիստական մեթոդի Չոփրապը կարողացել է «ժամին բակը» նովելլայի մեջ փայլուն կերպով տալ բուրժուական հասարակության և առաջին հերթին կղերականության ստոր գծերի մերկացումը։ Դեպքերն ընթանում են լարված։ Կոմպոզիցիայի, վոճի հստակության և գեղարվեստական ընդհանրացման տեսակետից

այդ նովելլան Չոփրապի ամենահաջողված ռեալիստական պատմվածքներից մեկն է։

Չոփրապի նովելլաների ընդհանուր թերությունն այն է, վոր նա իր մի շարք նովելլաներում տալիս է մանր բուրժուազիայի քայքայման պատկերը, բայց չի տալիս այդ յերևույթի պատճառը՝ առևտրական բուրժուազիայի տիպերի ամբողջական պատկերը։ Այդ կարևոր կողմը վրիպել է նրա տեսադաշտից։ Չոփրապն իր հոգևածներից մեկում խոսելով Շիրվանդադեյի Ելիզբարով տիպի մասին, հայտնում է այն միտքը, թե Ելիզբարովներ վորքան ասեք կարելի չե դառնել նաև Կ. Պոլսում (տես «Շիրվանդադեն և իր գործը» խմբ. Տ. Կամսարականի, Չոփրապի հոգևածը «Պատվի համար»-ի մասին)։ Բայց իր ստեղծագործությունների մեջ այդ տիպը ամբողջական կոնկրետացում չի ստացել։ Յեվ յերբ առիթ է լինում տալու հարուստ ընտանիքի կյանքը, սկսում է այնտեղից, յերբ այդ ընտանիքն արդեն սնանկացած է, որինակ «Ճիտին պարքը» նովելլան։

Այս հանգամանքը Չոփրապի նովելլաները վորոշ դեպքերում դարձնում է միակողմանի։ Չնայած Չոփրապի նովելլաների մի շարք թերություններին, այնուամենայնիվ նա հանդիսանում է կլասիկ նովելլիստ ընդհանրապես հայ գրականության պատմության մեջ։ Նրա մի շարք պատմվածքները, ինչպիսիք են՝ «Ճիտին պարքը», «Փոստալը», «ժամին բակը» և այլ բաղմաթիվ նովելլաները ցույց են տալիս, վոր նա հանդիսանում է հայ գրականության մեջ ռեալիստական նովելլայի մեծագույն ներկայացուցիչներից մեկը։ Չոփրապի նախորդն արևմտահայ գրականության մեջ, ինչպես գիտենք, հանդիսացել է Ա. Արփիարյանը և Չոփրապն անկասկած ազդեցություն է կրել արևմտահայ գրականության մեջ նովելլայի սկզբնավորող Ա. Արփիարյանից։ Այդ կարելի չե ցույց տալ մի շարք որինակներով։ Արփիարյանն իր «Նորավեպքի» մեջ դնում է կնոջ և ընտանիքի պոբլեմը, կնոջ իրավական ազատության խնդիրը։ Վերոհիշյալ խնդիրները, ինչպես տեսանք, Արփիարյանը լուծեց բուրժուական լիբերալիզմի դիրքերից։ Արփիարյանն իր նովելլաներում դնելով այդպիսի թեմատիկա և տալով խնդրի այդպիսի լուծում, անկասկած հանդիսացավ հետագայում Չոփրապի նախատիպը։ Արփիարյանն անկասկած հանդիսացել է Չոփրապի ուսուցիչը նովելլայի ասպարիզում, սակայն հետագայում աշակերտն անհամեմատ գերազանցեց իր ուսուցչին։ Վերջինս Արփիարյանի «Յերազի մը գինը» նովելլան։ Գրագիրը վորովհետև աղքատ է, զրա համար

ել չի կարողանում առնել իր սիրածին՝ Սոֆիկին և վերջինս ամուսնանում է հարուստ Հակոբ աղայի հետ: Այդ թեմատիկան վորքան կուզեք կա Չոհրապի մոտ, որինակ՝ Սեֆերյանի և Չարուհու խնդիրը «Կատակ» նովելլայում, կամ Սեդրակի ու Սուրբիկի անհաջող սերը «Անհետացած սերունդ մը» վիպակում և այլն: Արփիարյանի «Կատակ մը» նովելլայում ձկնորսի թողը Մաքրիկը մի կտոր հացի համար մոտնում է սպասուհի հարուստ Գրիգոր եֆենդու տունը և զոհ է գնում վերջինիս վորդի հղիացած յերիտասարդ Վահրամի կրքերին:

Դժվար չե նկատել, վոր Վահրամը Չոհրապի Ոնիկի նախատիպն է: Չոհրապի «Փոստալ»-ը իր մի շարք կողմերով շատ է հիշեցնում Արփիարյանի «Կատակ մը» նովելլան. Տիգրանուհին Մաքրիկի նման զոհ է գնում հարուստ յերիտասարդին, Ոնիկը Վահրամի նման այլասերված հարուստ յերիտասարդ է: Յեկ այդ նմանությունը վոչ միայն թեմատիկայի նմանությունն է, այլ և յերկուսն էլ խնդրին նույնաման լուծում են տալիս: Վերոհիշյալ հեղինակները մյուս նովելլաների մեջ նույնպես կան սերտ նմանություններ: Այս բոլորը գալիս են ասելու, վոր Չոհրապը վորոշ ազդեցություն է կրել Արփիար Արփիարյանից թե թեմատիկայի և թե գրական ստեղծագործական ուղղությունը: Սակայն Չոհրապը մնացել է ինքնուրույն վոճի, պատկերների և տիպերի կերտման ուղղությունը ու ոեալիստական նովելլայի ասպարհզում Չոհրապը մի քանի գլխով բարձր է կանգնած Արփիարյանից: Չոհրապը շնորհիվ իր տաղանդի ազդել է հետագա ոեալիստ նովելլիստների վրա և ունեցել է իր հետևորդները: Դրանց մեջ առաջին հերթին պետք է հիշատակել Չիֆթե-Սարաֆին (Հովհաննես Ասպետին): Որինակ՝ «Կյանք մը» և «Յերկու կյանքներ» նովելլաները թեմատիկայի և գրելակերպի տեսակետից շատ են հիշեցնում Չոհրապի «Մազթաղին» նովելլան: (Թեոդիկի «Տարեցույցը» 1923—24 թ.թ.): Չոհրապի ազդեցությունը Չիֆթե-Սարաֆի վրա պարզելու համար անհրաժեշտ է մի քանի խոսք ասել Չիֆթե-Սարաֆի և նրա «Միամտի մը արկածները» գրվածքի մասին:

Չիֆթե-Սարաֆը ծնվել է 1873 թվին, գրական ասպարեղ է իջնում 1900-ական թվականներին: Հայասնի յե դառնում վորպես գրող 20-րդ դարի առաջին քառորդում:

Գրել է մի շարք մեմուարային գործեր («Պոլսական տեսարաններ» և «Յեկրոպական ձեպընթաց») կամ «Ճամբորդի նոթերը»),

բայց գրական հոշակ է ստանում իր մի գործով, վորը կոչվում է «Միամտի մը արկածները»: Այդ գրվածքը լույս է տեսել 1906—7 թվին, իսկ մի տարի անց լույս է տեսնում առանձին գրքով: Ըստ հեղինակի մտադրություն «Միամտի մը արկածները» պիտի բաղկացած լիներ յերեք մասից. ա) մաս «Յերբ ամուրի յեր», բ) «Ամուսնանալին վերջը», գ) «Յերբ այրի յեր»: Այսինքն հեղինակը մտադիր էր տալ իր հերոսի կյանքը սկզբից մինչև վերջ: Բայց հրատարակել է միայն վերոհիշյալ գործի առաջին մասը, այսինքն՝ «Յերբ ամուրի յեր»:

Արտաշես Հարությունյանի և Չիֆթե-Սարաֆի առաջաբաններից յերևում է, վոր այդ գործը իր ժամանակին արևմտահայ գրականության մեջ մեծ ազդու է հանել: Ծատերը հեղինակին մեղադրում է յին պոռնոգրաֆիայի մեջ, իսկ մյուս մասը պաշտպանում էր հեղինակին այդ հարձակումներից: Ինքը հեղինակը իր հակաակորդներին պատասխանել է Անատոլ Ֆրանսի հետևյալ սողերով. «Անբարոյական կկոչենք զանոնք, վոր չունին մեր քարոյականը և սկեպտիկ՝ զանոնք, վոր չունին մեր սեփական պատրանքները»: Իսկ Արտաշես Հարությունյանը մոչ մի բառ չի խնայում փառաբանելու համար Չիֆթե-Սարաֆին, վորակելով նրան տաղանդավոր, մեծանուն գրող: Հասկանալու համար այդ վեճերն, անհրաժեշտ է մի քիչ խոսել հեղինակի վեպի մասին: Չիֆթե-Սարաֆի «Միամտի մը արկածները» պատկանում է եպիկական տեսակի արկածային վեպի ժանրին:

Յեկրոպական գրականության մեջ այդ ժանրով շատ են գրել, որինակ՝ Սերվանտեսի Դոն-Իիշոտի արկածները կամ Լեստի Ժուլ-Բլազի արկածները: Սակայն Սերվանտեսի և Լեստի հերոսների արկածները չեն դառնում եզոցենտրիկ յերևույթ, ինքնաբավ արկած: Հերոսների արկածները վերոհիշյալ հեղինակները համար հանդիսանում են միջոց յենթարկելու վոչնչացող քննադատության բազմաթիվ ձրիակեր խավերին, բազմաթիվ մարդկանց և յերևույթներ, ծաղրելու պետական կարգերը և այն ամենը, ինչին վոր հանդիպում է հերոսն իր արկածների ժամանակ: Յեկ այսպես արկածը յերևան է գալիս վորպես միջոց հեղինակի աշխարհայացքը կոնկրետացնելու համար:

Այդպես չե Չիֆթե-Սարաֆը: Նրա մոտ հերոսի արկածները հանդես են գալիս ինքնաբավ ձևով, վորպես սոսկ արկած: Յեկ այս հանգամանքն է, վոր Չիֆթե-Սարաֆի գործը թուլացնում է և սոցիալական արժեքի տեսակետից արժեքազրկում, կամ դարձնում համարյա անարժեք:

Մոտենը փաստերով. հեղինակը նազում հանդիպում է մի հայ յերիտասարդի, վորի անունն է Հովհաննես Տոմիկի: Պարզվում է, վոր այդ յերիտասարդը բարձր խավից է և զնում է արտասահման բժշկություն սովորելու: Նա խոստանում է զրուցակցին գրել իր կյանքի մեջ եղած արկածները: Նա կատարում է իր խոստումը: Գրում է ընդամենը տասներկու նամակ: «Միամտի մը արկածները» կազմված է 12 առանձին նովելներից և կապակցված է իրար հետ մի հերոսով: Այնպես վոր դրանք առանձին նովելներ են և վերոհիշյալ գործը չի կարելի համարել վեպ սովորական հասկացողությամբ: Միամտի սյուժետ չկա: Հովհաննես Տոմիկը պատմում է իր բազմաթիվ արկածները: Հորյեղբոր մահից հետո Հովհաննես Տոմիկը ժառանգում է մեծ կարողություն: Նա թողնում է համալսարանը, շրջում է Յեվրոպայի բազմաթիվ վայրերը և ահա սկսվում են «միամտի մը» բազմաթիվ սիրային արկածները: Առաջին նովելայում («Ախտին վախը»), հերոսը զեռ սեռապես անփորձ է, նա նոր է, վոր ձեռք է բերում պրակտիկա, հանդիպելով մի անբարոյական կնոջ: Մյուս որը հերոսը հոգեպես սարսափելի տանջվում է, կարծելով թե սեռական հիվանդություն է ստացել: Քառասուն որ անընդհատ տանջվում է այդ մտքից: Նայում է հայելուն սիֆիլիսի նշաններ գտնելու համար:

Յերիբորդ պատմվածքում («Ռուս ուսանողուհին») նկարագրում է ռուս ուսանողուհիների կյանքը և նրանց պարզ ու ընկերական կենցաղը: Այս նովելան «Միամտի մը արկածները» գործի ամենահաջողված մասերից մեկն է:

Այնուհետև Հովհաննես Տոմիկը կապվում է մի պոռնիկի հետ լոնդոնում և թալանվում վերջինիս կողմից: Հոլանդական մի քաղաքում կապվում է հասակն առած մի կնոջ հետ, վորն իրեն մայր կազեր: («Կնկան խողալիք»):

Բազելում ձեռք է գցում 12 տարեկան Մարտային և նրա մարը, բայց հրաժարվում է առաջինից, չհրաժարվելով մորից («Առաջին ճառագայթը»), իսկ մի ուրիշ տեղ յերեք գեղջերվա մեջ սեռական կապ է հաստատում յերեք բույրերի հետ: Նեապոլում հանդիպում է մի լեհուհու, վորը հենց ամուսնության առաջին գեղջեր դավաճանում է իր ամուսնուն և հանձնվում Հովհաննես Տոմիկին («Սրտի հիվանդը»): Նիցցայում Հովհաննես Տոմիկը մերժված սիրուհուց զալիս է հյուրանոց և տեղն ու տեղը տիրում սպասուհուն: Բազմաթիվ այլ սիրային արկածներից հետո Հովհաննես Տոմիկը վերադառնում է Պոլիս, ամուսնանում է Հայկա-

նուշ Կոհակյանի հետ և միասին հիմնում են մի առևտրական ընկերություն: Այսպիսով վերջանում է «Միամտի մը արկածները»:

Ինչպես տեսնում ենք, Չիֆթե-Սարաֆի այս գործի մեջ հիմնականը սեռի պրոբլեմն է, տղամարդու և կնոջ փոխհարաբերության հարցը: Այդ պրոբլեմի լուծումը նա տվել է բուրժուական գաղափարախոսության տեսանկյունով, սեռի պրոբլեմը դարձնելով կենտրոնական հարց և այդ լուծելով բուրժուական տեսանկյունով: Չիֆթե-Սարաֆն ուժեղ ազդեցություն է կրել Գրիգոր Զոհրապից:

«Միամտի մը արկածները» գործի «Առաջին ճառագայթը» նովելայի Մարտայի տիպը իր մի շարք կողմերով Զոհրապի Մագթաղինե տիպի կրկնողությունն է: Նիցցայում սպասուհու հետ կատարված զեպը դարձյալ շատ կողմերով հիշեցնում է Զոհրապի նովելաները: Վոճի, պատկերների կերտման և տիպերի գործելակերպի մեջ դարձյալ զգացվում է Գրիգոր Զոհրապի ուժեղ ազդեցությունը: Չիֆթե-Սարաֆը սակայն տարբերվում է Զոհրապից նրանով, վոր առավել ևս խորացրել է սեռի պրոբլեմը, վոր կար Զոհրապի մոտ: Ինչ խոսք, վոր դրանով Չիֆթե-Սարաֆը դրական գործ չկատարեց գրականության մեջ: Նա հանդես է գալիս, վորպես նեխված, գրական ճաշակը կորցրած և այլասերված, պարզապես ուստե բուրժուազիայի արտահայտիչը գրականության մեջ: Չիֆթե-Սարաֆն իր «Միամտի մը արկածները» գործով վոչ մի արժեքավոր դեր ունենալ մեզ համար չի կարող:

Գրիգոր Զոհրապն ունեցել է իր հետևորդները: Դրանց մեջ առաջին տեղը գրավում է Չիֆթե-Սարաֆը: Բայց և վոչ մեկը չհասավ Զոհրապին և Գրիգոր Զոհրապը նովելայի ասպարեզում հանդիսանում է չգերազանցված հեղինակ արևմտահայ գրականության մեջ: Գրիգոր Զոհրապը հանդիսանում է հայ գրականության մեջ կլասիկ նովելիստ:

### 3. ՏԻԳՐԱՆ ԿԱՄՍԱՐԱԿԱՆ

Արևմտահայ գրականության մեջ Տիգրան Կամսարականը հանդես է գալիս վորպես ռեալիստական խոշոր վեպի հորինող: Դրանով է նա նախ և առաջ տարբերվում իր նախորդներից՝ Ա. Արփիարյանից և Գրիգոր Զոհրապից, վորոնք շախատել են նովելայի ասպարեզում:

Տիգրան Կամսարականը ծնվել է Կ. Պոլսում 1866 թվին: Դրական ասպարեզ է իջել 90-ական թվականների վերջին: Նա

այդրել ու գործել և գլխավորապես Պոլսում: Մի շարք տարիներ գործել և Յեզիպոսում վորպես վաճառական: Գրական ասպարեզ և իջել վորպես նովելիստ: Հայտնի յեն «Հովիվը», «Հարո» և մի շարք այլ պատմվածքներ, վորոնք սակայն առանձին արժեք չեն ներկայացնում: Տիգրան Կամսարականի գրական փառքն պահանջնք նրա հայտնի վեպը՝ «Վարժապետին աղջիկը», վորը լույս և տեսել 1888 թվին: Այդ վեպն ունի խոշոր հասարակական և գրական արժեք: Շնորհիվ ռեալիստական մեթոդի Տիգրան Կամսարականը կարողացել և մերկացնել առևտրական բուրժուազիայի մի շարք խոցելի կողմերը, առանց սակայն ձեռք տալու այդ դասակարգի հիմքերին: Նա յերևան և գալիս վորպես բուրժուական մարդասեր: Սակայն այն չափով, վոր չափով, վոր նա մերկացնում և իր դասակարգին՝ առևտրական բուրժուազիային, Կամսարականը դառնում և մեր գրականության մեջ արժեքավոր և կարևոր դեմքերից մեկը: Հատկապես բուրժուական յերիտասարդների տիպերը կերտելիս Կամսարականի ստեղծագործական մեթոդը հասնում և քննադատական ռեալիզմի աստիճանին: Տիգրան Կամսարականն իր այդ վեպը գրել և յերիտասարդ հասկում: Գրել և այն ժամանակ, յերբ դեռ գրեթե պատանի յեր: Այդ առթիվ հեղինակը գրում և. «Գրեթե պատանի, հազիվ քանի մը վեպեր կարդացած, մասնավորապես կես տասնյակ մը գործ Ալֆոնս Դոդեյի, գիշեր մը յերևակայությանս մեջ ծնունդ առավ «Վարժապետին աղջկան» նյութը»...

Անկասկած այդ վեպը պետք և ունենա իր թերությունները: Նախ վոր դա նրա առաջին լուրջ գործ և և գրել և յերիտասարդ հասակում, յերբ յեղել և ընդամենը 20 տարեկան: Չնայած այդ բոլորին, վեպը լույս տեսնելուն պես մեծ ընդունելություն գտավ հասարակության կողմից: Վեպի շուրջը սկզբից կրքոտ վեճ: Յեզան բազմաթիվ իրար ժխտող կարծիքներ: Միտակ Պատվելին, Կամսարականի նախկին վարժապետը, այդ վեպի մասին շատ վատ կարծիք և հայտնել վորակելով այդ վորպես մի հասարակ «միտահճի» (այսինքն՝ նաղը պընգլ): Գրաքննիչը շատ մեծ դժվարություններ և համաձայնել հրատարակելու այդ վեպը: Նա ասել և. «Ինչ ստորին ու անպատիվ դեր և, վոր տվել և թորոս պեյին, զգվելի ու լպերը շնացող մը: Յակո մը շիներ ևք պեյը. ասիկա ոսմանյան պեյի մը դեմ ամենամանր նախատինք մը չե, հապա ինչ և, պեյ և պեյ, այլ վոն միսթեր, սինիյոր կամ մի այլ բան»: (Թեոդիկ. — «Տարեցույց», 1923 թ. «Գրքի մը պատմություն»):

Յեվ այդպես, գրաքննիչը սարսափում ևր այն մերկացումներից, վոր տալիս ևր Կամսարականն իր վեպի մեջ:

Բայց Տիգրան Կամսարականն ունեցել և նաև իր կողմնակիցները, վորոնք մեծարել են «Վարժապետին աղջիկը» վեպի հեղինակին: Վեպի ընթերցողներից մեկը գրում և. «Իր տիրուհին բաժանվել չուզող հավատարիմ շունին տեսարանը, մինչ նույն պահուն անզգամ ամուսինը գայն կը ձգե ու կիսխի վատի մը պես, իրավ վոր վորիսականն ալ գերագանցեց»:

Տիգրան Կամսարականին իրենց պաշտպանության տակ են վերցնում Հ. Ասատուրը, Շիրվանզադեն և ուրիշները: Շիրվանզադեն Կամսարականի վեպը համարում և քանքարավոր, իսկ հեղինակին անկեղծ, անկաշառ, վառվուռն հոգու և կրակոտ սրտի տեր մի մարդ:

Տիգրան Կամսարականն և իր հերթին Շիրվանզադեյին համարում և հանձարեղ գրող: Հայտնի յե այն փաստը, վոր Շիրվանզադեյին առաջին մասսայականացնողն արևմտահայ գրականության մեջ հանդիսացել և Տ. Կամսարականը, գրելով «Արամբի» վեպի մասին մի ընդարձակ հոդված «Արևելք» թերթի մեջ 1889 թվին, իսկ 1911 թվին Շիրվանզադեյի հոբելյանի առթիվ լույս և տեսնում արևմտահայ գրողների հոդվածների ժողովածուն Տ. Կամսարականի նախաձեռնությամբ և խմբագրությամբ («Շիրվանզադեն և իր գործը»):

Տ. Կամսարականի և Շիրվանզադեյի մոտիկությունը ցույց և տալիս այդ յերկու հեղինակների աշխարհայացքների և նրանց գրական ստեղծագործական մեթոդների հարազատությունը և կապը: Յեվ իսկապես, վոր դա այդպես և: Տիգրան Կամսարականի վեպը շատ և նման Շիրվանզադեյի «Արամբի» վեպին: «Վարժապետին աղջիկը» մի ընտանեկան գրամա յե, վորտեղ հեղինակը տալիս և այն ժամանակվա բուրժուական հասարակության այլանդակ կողմերի մերկացումը: Հեղինակը վորպես յենթավերնագիր գրել և. «Պոլսական բարքեր»: Ուրեմն վեպի նյութը վերցրված և Պոլսի կյանքից: Գլխավոր հերոսուհին վարժապետի աղջիկն և՛ Աստղիկը, վորն ամուսնանում և հարուստ բանկիր և կալվածատեր Հակոբ եֆենդու վորդի Արամի հետ: Այդ վերջինը բուրժուական այլասերված յերիտասարդի տիպ և և իր ամբողջ կյանքն անց և կացրել շվայտություն ու պոռնիկության մեջ: Կարճ ժամանակից հետո հիասթափվում և զզվում և Աստղիկից, մեղադրում նրան անհավատարմության մեջ և բաժանվում և: Աստղիկը չկարողանալով տանել այդ անպատվությունը և իր ծնողներին

վիշտը, հյուժվում և թոքախտից և մեռնում: Այդ սյուժետի վրա զարգանում են բազմաթիվ գործողութուններ, վորոնք ընդհանուր սյուժետի հետ որպանապես կապված են:

Տիգրան Կամսարականը հանդես և գալիս վորպես խոշոր օգտակար վեպի հորինման վարպետ: Վեպի կոմպոզիցիան մոտոլիա է, ունի լարված սյուժետ: Աստղիկի և Արամի սերը հանդես չի գալիս ինքնասպատակ ձևով: Այդ յերկու տիպերի մեջ հեղինակը կոնկրետացրել է հասարակական կյանքի յերկու բեռները՝ մանր բուրժուազիայի տրագիկոմը և հոփացած խոշոր բուրժուազիայի ապահով կյանքը: Այդ յերկու կենտրոնական տիպերի շուրջը համախմբած են այլ պերսոնաժները, վորոնցից ամեն մեկն ունի իր կենտրոնական տեղը վեպում: Հասարակական կյանքի ստորին աստիճանի վրա յեն գանվում կյանքում հալածվածները՝ Անդրանիկ վարժապետն իր ընտանիքով, իսկ կյանքի ընտրյալներն են Հակոբ եֆենդին իր ընտանիքով (Արամը, Ջարուհին և ուրիշները): Այս վեպի մեջ տրված է յերկու ընտանիքների կյանքը—մեկը՝ Անդրանիկ վարժապետի մանր բուրժուական քայքայվող ընտանիքը, իսկ մյուսը՝ բանկիր Հակոբ եֆենդու ալլասերված բուրժուական ընտանիքի կյանքը: Անդրանիկ վարժապետն իր ընտանիքով զոհ յե դառնում բուրժուական նեխված ընտանիքին:

Տիգրան Կամսարականն այս յերկու ընտանիքների բաղխման մեջ ցույց է տվել այն սոցիալական հակասութունը, վոր գոյութուն ունի մի կողմից մանր բուրժուազիայի, մյուս կողմից օռնտրական խոշոր բուրժուազիայի միջև: Գեղարվեստականորեն ամբողջական տիպ է Անդրանիկ վարժապետը: Նա հանդես է գալիս վորպես մանր բուրժուական ինտելիգենցիայի տիպը: Այդ պերսոնաժը հեղինակը կերտել է յերգիծական ընույթով և հեղինակին այդ հաջողվել է: Անդրանիկ Փանարձյանն իր ընտանիքը պահում է վարժապետությամբ: Նրա ընտանիքի գոյության պայմանը քրտնատանջ աշխատանքն է: Մանր բուրժուազիա է համար ամենասարսափելի թշնամին՝ դա բուրժուական հասարակության մեջ գոյութուն ունեցող գործազրկութունն է, վորը մանր բուրժուազիային դատապարտում է ծայրահեղ աղքատության և քայքայման: Այդ կողմը Տիգրան Կամսարականը կարողացել է տալ խոշոր վարպետությամբ: Ընթերցողն զգում է գործազրկության հետևանքով ստեղծված սարսափները և այն նյութական զրկանքները, վոր կրել է Անդրանիկ Փանարձյանի ընտանիքը: Վախը կյանքի հանդեպ, նյութական անապահով վիճակը ստիպում

են Անդրանիկ Փանարձյանին լինելու հլու և հնազանդ հարուստների առաջ: Յերբ պարահանդեսի ժամանակ ամենակարող շոջերից մեկը կոխում է նրա վտոր, Անդրանիկ վարժապետն իսկույն ներողութուն է խնդրում, չնայած ինքն է յեղել տուժած կողմը: Այդ պատկերի մեջ յերևան է գալիս մանր բուրժուազիայի վարժապետի, ստորացուցիչ վիճակը: Իզուր չէ, վոր Պարոնյանի կանացի տիպերից մեկն անիծում է իր վորդուն և ասում է՝ «վարժապետ ըլլաս»:

Այս հատու տողի մեջ տրված է վարժապետի դժբախտ վիճակի արտահայտութունը: Մի այլ որինակ՝ Հակոբ եֆենդին սարսափելի կերպով հաղում է, վորից գիրքը կպչում է վարժապետի քթին: Հակոբ եֆենդին փոխանակ ներողութուն խնդրելու մեծ հաճույք է զգում և սկսում է ծիծաղել Անդրանիկ Փանարձյանի վրա, իսկ վերջինս վերավորված ինքնասիրութունը պահում է լուռթյամբ: Իժողոհել չի կարող, վորովհետև իսկույն կզրկվի իբ պաշտոնից և ընտանիքը կմատնվի քաղցի:

Հակոբ եֆենդու տանը յեղած տոնախմբության ժամանակ (վորտեղ ներկա յեր նաև Աստղիկը և վորտեղից սկսվում է դրամայի սկիզբը) Անդրանիկ Փանարձյանը գրում է բանաստեղծութուն՝ նվիրված տոնախմբությանը: «Չտոնախմբութուն» վտանավորը գրել է, վորպեսզի իր աշակերտներն արտասանեն տոնախմբության ժամանակ: Արամն այդ բանաստեղծության տետրը կախում է կառվի վզից և չբավականանալով դրանով՝ ծաղրանքի յենթարկում Անդրանիկ Փանարձյանին: Վեպի այս մասը Տիգրան Կամսարականը պատկերել է մեծ վարպետությամբ և հուզականությամբ: Մի կողմում Աստղիկը շրջապատված «վոսկե» յերիտասարդությամբ, իսկ մյուս կողմում՝ նրա ծերունի արհամարհված հայրը: Ակամա հիշում են Պուշկինի «Փոստակայանի հսկիչը» հայտնի պատմվածքը, վորտեղ ձիշտ նույն ձևով տրված է վերոհիշյալ պատկերը: Աստղիկը ցածր խավից է, բայց շնորհիվ իր արտակարգ գեղեցկության, ստիպում է վոր իրենով հիանան հարուստ յերիտասարդները: Արամը պարահանդեսի ժամանակ սիրահարվում է Աստղիկի վրա, իսկ մի քանի որից հետո հայտնում է աղջկա ծնողներին և հետո ամուսնանում Աստղիկի հետ:

Վեպի այդ մասը թույլ է, վորովհետև անհամոզեցուցիչ է: Աստղիկի պարահանդես գալը կրում է պատահական ընույթ: Այստեղից և սկսվում է վեպի հանգույցը: Չլինեք այդ, չեք լինեք և սյուժետի զարգացումը: Դա վեպի առաջին և հիմնական թերութունն է: Յերկրորդ կարևոր թերութունը՝ դա Արամի հոգեկան

հանկարծակի փոխանցումներն են, վոր նույնպես համոզեցուցիչ  
չեն: Արամը միանգամից սիրահարվում է Աստղիկի վրա, նա վոչ  
վաքի չի լսում և ամուսնանում է նրա հետ: Սա ևս խելքին մո-  
տիկ բան չէ: Այդ կողմը չի կարող բնորոշ լինել Արամի նման  
քայքայված տիպի համար: Չնայած այդ թերութեան, Տիգրան  
Կամսարականը հաջողութեամբ կարողացել է կերտել բուրժուական  
քայքայված յերիտասարդի՝ Արամի տիպը:

Կամսարականի ռեալիզմն այստեղ հասնում է քննադատական  
ռեալիզմի աստիճանին: Կամսարականն Արամի միջոցով կարողա-  
ցել է տալ բուրժուական յերիտասարդի բնավորութեան բնորոշ  
գծերը: Արամը կյանքի իմաստը գտնում է քեֆի, խմելու, փող  
մտխելու և կանանց մեջ: Սիրային իր արշավանքներում մի  
յերկու անգամ սկանդալի մեջ է ընկել սեռական սանձարձակու-  
թեան հետևանքով: Նա ընկել է մի տեսակ սեռական ներվանայի  
մեջ: Նա իր հոգևոր հայր թորոս պեյին ասում է. «Այ ձանձրա-  
ցած եմ, պեյ, զլված եմ, կհասկնաս, վերջերս գրեթե հաճույք  
չեյի զգար իրմե,—խոսքը Պերենիս դերասանուհու մասին է,—  
կզգվե զիս իբր թե յես ըլլայի կինը և ինքը մարդը»: («Վարժա-  
պետին աղջիկը», էջ 132): Արամը յերևան է գալիս վորպես ան-  
զործունյա, անամեջ բուրժուական յերիտասարդի բնորոշ տիպը:  
Նա դատարկ կարաս է, բայց հասարակութեան մեջ հարգանք է  
վայելում, վորովհետև բանկիրի զավակ է և չափազանց հարուստ:

Բուրժուական յերիտասարդի ռեալիստական տիպ է և թորոս  
պեյը, Արամի դաստիարակը պոռնիկութեան մեջ: Նա նենգավոր է  
և խարդախ: Նա հետապնդում է իր ընկերոջ (Արամի) կնոջը, իսկ  
յերբ չի կարողանում տիրել Աստղիկին, սկսում է զրպարտել  
նրան:

Թորոս պեյը կապվում է Արամի քրոջ հետ, և զողանալով  
անագին փող փախչում են Պոլսից:

Տիգրան Կամսարականին հատկապես հաջողվում է բացասա-  
կան տիպերի կերտումը և ավելի թույլ է, յերբ տալիս է զբական  
տիպերը: Այդ հատկապես յերևում է վեպի զլխավոր հերոսուհու  
պատկերումից: Աստղիկը հանդես է գալիս վորպես իդեալական  
աղջիկ: Հեղինակը վոչինչ չի խնայել նրան գեղեցիկ պատկերելու  
համար: Աստղիկը բնութեան կատարելութունն է, վորին կարելի  
յէ համեմատել միայն հունական քանդակների հետ, ինչպես  
ասում է Կամսարականը: Աստղիկի արտաքինի նկարագիրը տա-  
լիս է ռոմանտիզմին բնորոշ համեմատութուններով: Որինակ.  
«Հրաշալի գունագեղութունն ուներ Աստղիկը, յուր սիրուն բե-

րանը, բոսորագեղ շրթերը, մարդարտաշար ատամունքը, գլխուն  
շնորհալի ձևն, հավերժահարսի բարձր և բարեձև հասակն իդեա-  
լին կվերաբերեյին»: Բայց միայն արաքիւնը չէր շնորհալի,  
Աստղիկը նաև խելոք էր, կիրթ և զարգացած: Նա կարգում է  
Ալֆոնս Դոդեն և այլ հեղինակներ: Մի խոսքով նա վոչ մի թերի  
կողմ չունի: Հեղինակը վոչ մի գույն չի խնայել հերոսուհուն  
գեղեցիկ նկարագրելու համար: Դրա համար էլ Աստղիկն այնպիսի  
գեղարվեստական ամբողջական տիպի աստիճանին չի հասել,  
ինչպես Արամը, թորոս պեյը կամ Անդրանիկ Փանարջյանը: Աստ-  
ղիկը մի քանի գծերով հիշեցնում է Ֆլորենի մադամ Բովարուն:

Յերկու հերոսուհիներն էլ դժգոհ են այն իրականութունից,  
վորի մեջ ապրել և մեծացել են: Քաղքենիական տարտամ միջա-  
վայրը խեղդում է յերկուսին էլ: Յեկ Բովարին և Աստղիկը զար-  
գացած են, նրանք կարգացել են շատ գրքեր և փնտրում են  
ավելի իմաստալից կյանք, ձգտում են ավելի լայն հորիզոնների:  
Յերկուսն էլ այդ կյանքը տեսնում են բարձր խավի մարդկանց  
մոտ: Բովարին դավաճանում է ամուսնուն և կապվում այդ խավի  
մարդկանց հետ, իսկ Աստղիկը խուսափում է ամուսնանալ Դա-  
րեգնի հետ, վորը մի միջակ վաճառական է և իսկույն նեւավում է  
Արամի գիրկը: Վերջինիս քայլվածքի, իրեն պահելու մշակված  
ժեստերի մեջ Աստղիկը տեսնում է իր իդեալի կենսագործումը:

Բովարին և Աստղիկը ձգտում են դուրս գալ խեղդող ճահճից,  
Բովարին՝ պրովինցիայից իսկ Աստղիկը Պոլսի արվարձաններից:  
Բովարին հիանում է, յերբ պատահաբար ընկնում է քաղաք և  
տեսնում է ներկայացում. յերազում միշտ պատկերացնում է ներ-  
կայացումներ, իսկ Աստղիկը հիանում է Բերայի փողոցով և այն  
փարթամ կյանքով, վորը գոյութուն ունի Արամենց տանը:

Յերկու հերոսուհիներն էլ մանր բուրժուական խավից են և  
յերկուսն էլ զոհ յեն գնում բարձր խավին: Ինչպես տեսնում ենք,  
Բովարիի և Աստղիկի միջև շատ նմանութուններ կան, նրանք  
միայն տարբերվում են նրանով, վոր Բովարին աղտիվ է գործու-  
նեյութեան մեջ, իսկ Աստղիկը պասսիվ է և չի ընդդիմադրում  
չարիքին: Տիգրան Կամսարականը շնորհիվ իր մեթոդին՝ քննա-  
դատական ռեալիզմին կարողացել է մերկացնել բուրժուական  
հասարակութեան այն գործոնները, վորոնք պայմանավորեցին  
Աստղիկի կործանումը: Բուրժուական այլասերված յերիտասարդ-  
ները՝ Արամի և թորոս պեյի տիպերի հաջող պատկերման հետ  
մեկ տեղ հեղինակը տալիս է նաև դատաստանական խորհրդի,  
պատրիարքարանի և ծախու մամուլի կեղծիքի մերկացումը: Բոլորն



անցնում են Արամի կողմը, վորովհետև նա հարուստ է, և բոլորն էլ դատապարտում են Աստղիկին, վորովհետև նա աղքատ է և չի կարող նրանց կաշառք խոստանալ:

Ամբազիրն սկսում է անընդհատ զրպարտել Աստղիկին, վորպեսզի հետաքրքրություն զարթեցնի ընթերցողների մեջ և դրանով տարածի իր թերթը.— «Բայց ուրիշ թերթ մը գոհացած չեք բնավ յերկու տողերով»: «Շարունակելիով» կը հրապարակեր դիցաբանական կատակերգություն մը և «թերթը յերեք հարյուր որինակ ավելի կվաճառվեր», ինչպես կը գրեր խմբագիրը («Վարժապետին աղջիկը», էջ 307): Յե՛վ վորպեսզի թերթը դադարի Աստղիկին զրպարտելուց, խմբագիրն Անդրանիկ Փանարջյանից պահանջում է յերկու վոսկի, իսկ Արամի «սխրագործությունները» մասին թերթերը վնչինչ չեն գրում, վորովհետև «հարուստ է և ամեն ինչ կներեն հարուստին, լրագրերը կաշառվեցան այդ յերկու անցքերը գրելու համար»:

Հայոց պատրիարքը նույնպես փառաբանում է հարուստ Հակոբ Եֆենդուն, իսկ Արամի մասին բացականում է. «հարազատ վորդի գնամնություն հորն բերե»: Դատական խորհուրդը նույնպես կաշառված է և անցնում է Արամի կողմը: Տիգրան Կամսարականը փայլուն կերպով տալիս է դատաստանական խորհրդի մերկացումը. «Ատույգ է, վոր դատաստանական խորհուրդ չէ այդ», այլ հավատաքննության ատյան, արդարության տեղն՝ անիրավություն, որենքի տեղ կիրք կա հոն, դատավորի տեղ՝ զրպարտիչ»:

Դատաստանական խորհրդի այդպիսի մերկացումը հիշեցնում է Պարոնյանի «Բաղդասար ախպարը» ստեղծագործության այն տեղը, վորտեղ մեծագույն յերգիծաբանը տալիս է դատաստանական խորհրդի վոչնչացնող ծաղրը:

Դատաստանական խորհրդի անդամ է նաև Գարեգին Արսենյանը, վորին մերժել է Աստղիկը, բայց վորին դեռ շարունակում է սիրել Գարեգինը: Այդ տիպի մեջ հեղինակը ցանկացել է պատկերել վաճառականի դրական տիպ, հակառակ բացասական տիպին (Նահապետյան): Այս ևս ցույց է տալիս, վոր Տիգրան Կամսարականը չի ժխտում առևտրական բուրժուազիային, նա բուրժուական մարդասիրության սահմաններից դենը չի անցնում: Նա տեսնում է միայն չար և բարի մարդիկ, բացասական վաճառականի (Նահապետյանի) կողքին նա տեսնում է դրական վաճառականին (Գարեգին Արսենյան):

Գարեգին Արսենյանն ոժտված է մարդկային բնավորության

բոլոր լավագույն գծերով: Նա ապրում է հոգեկան տրագեդիա, վորովհետև պետք է հանդիսանա իր սիրածի դատավորը և համոզված է, վոր Աստղիկին մեղադրելու յեն, չնայած վոր անմեղ է: Դրությունից յեննելու համար նա հրաժարվում է իր պաշտոնից, բայց հետո նորից նստում իր տեղը հույս ունենալով, վոր գուցե հնարավոր լինի ազատել Աստղիկին ամբաստանությունից:

Գարեգինի այդ հոգեվիճակը տրված է հաջող՝ պատկերները ռեալիստական են և հիշեցնում են Նեխլյուդովի հոգեվիճակը (Տոյստոյի «Հարություն» վեպից): Վեպի կենտրոնական խնդիրը հանդիսանում է կնոջ եմանսիպացիայի խնդիրը: Սակայն, ինչպես արդեն ասացինք, Տիգրան Կամսարականն այդ հարցը լուծում է բուրժուական մարդասիրության սահմաններում: Նա կնոջ տնտեսական անկախության խնդիրը չի դնում, այսինքն կնոջը վերջնականապես չի ազատում տղամարդու բռնությունից: Տիգրան Կամսարականը դնում է կնոջ իրավական ազատության խնդիրը, այսինքն հիմնականը նրա վեպի մեջ ապահարզանի խնդիրն է, այն, վոր կինն իրավունք ունի անջատվելու բռնակալ ամուսնուց: Կնոջ խնդրի այդպիսի լուծումը և հիմնականը դարձնելով ապահարզանի խնդիրը՝ այս յերկու կողմերով Տիգրան Կամսարականի վեպը չափազանց հիշեցնում է Շիրվազադեյի «Արամբի» վեպը: Ստեղծագործության այդ հարազատությամբ է պայմանավորված վերոհիշյալ հեղինակների չափազանց դրական վերաբերմունքն իրար հանդեպ:

Տիգրան Կամսարականը լեզվի, պատկերների կերտման և հումորի վարպետ է: Որինակ՝ «Հեռուն ոճապտույտ կայծակները հորիզոնը կլուսավորեցին»:

Հումորից մի որինակ: Ուսուցիչը հարց է տալիս, թե աշակերտներն ինչի մասին պետք է նամակ գրեն: Աշակերտները պատասխանում են, թե պետք է գրեն նամակ, վորի մեջ «Իզմիրեն բարեկամի մը պիտի խնդրենք, վոր պանիր դրկե մեզ»:

Այստեղ ծաղրված է դասավանդության սխալաստիկ մեթոդը և աշակերտների ցածր կուլտուրական աստիճանը: Հատկապես հաջող է գծված Անդրանիկ Փանարջյանի հումորական տիպը:

Աստղիկը մենակ նստած է այգում լքված իր ամուսնուց: Պատահաբար նրան հանդիպում է Արամը, վորն իսկույն խույս է տալիս, մինչդեռ շունը տեսնելով իր նախկին տիրուհուն, փաթաթվում է նրա վոտներին: Սա վեպի ամենագեղեցիկ պատկերներից մեկն է և ցույց է տալիս հեղինակի վարպետությունը հուզիչ պատկերներ ստեղծելու մեջ:

Բայց վեպի հիմնական արժեքը, դա իրականութեան քննադատական վերադատարարութեան մեջ է: Հատկապես հաջող է այն մասը, վորտեղ տրված է ապահարդանի և դատավարութեան նկարագիրը:

Տիգրան Կամսարականը սուր կերպով ծագում է բուրժուական ծախու լրագրերը, դպրոցի սխոլաստիկ մեթոդը, խմբագիրներին, բանաստեղծներին և իրավաբանների ստորաքարշուկները: Այս ամենը հիշեցնում են Պարոնյանին, հատկապես նրա «Մեծապատիվ մուրացիկանները» ստեղծագործութունը: Այդ ամենը Տիգրան Կամսարականը չի տվել վոչնչացնող սարկազմով, այլ տվել է հումորի միջոցով, թերութունները վերացնելու նպատակով:

Տիգրան Կամսարականի «Վարժապետին աղջիկը» վեպի արժեքը քննադատական դեպիզմի մեջ է, տիրող հասարակական խավերի ստոր դոբները, բուրժուական յերիտասարդութեան այլախելած կողմերի մերկացման մեջ է:

Տիգրան Կամսարականն իր այդ վեպով հանդիսանում է արեւմտահայ ռեալիստական արձակի ամենաբնորոշ և ամենակարևոր գեմքերից մեկը: Տիգրան Կամսարականն արեւմտահայ ռեալիստական արձակի մեջ հանդիսանում է վորպես ռեալիստական վեպի խոշոր վարպետը:

## Ա Ղ Բ Յ Ո Ի Ր Ն Ե Ր

1. Ար. Արփիարյան «Նորավեպիկներ»:
2. Գր. Զոհրապ «Կյանքն ինչպես վոր է»:
3. Տիգ. Կամսարական «Վարժապետին աղջիկը»:

## ՈՅԱՆԴԱԿ ԳՐԱԿԱՆՈՒԹՅՈՒՆ

1. Խմբագրութեամբ Տ. Կամսարականի «Շիրվանզադեն և իր գործը» հոգովածների ժողովածու:
2. Գր. Զոհրապ «Լուռ ցավեր» և «Խղձմտանքի ձայներ»:
3. Զիֆթե-Սարաֆ «Միամտի մը արկածները»:
4. Մոպսսան «Ճարպագունդ»:
5. Եմիլ Զոլա «Նանա»:
6. Շիրվանզադե «Արամբի»:

## ԻՆՔՆԱՍՏՈՒԳՄԱՆ ՀԱՐՑԵՐ ՅԵՎ ՅՈՒՅՄՈՒՆՔՆԵՐ

1. Արեւմտահայ իրականութեան մեջ ինչպիսի տիրող հասարակական խավեր կային, յերբ հանդես յեկան արեւմտահայ ռեալիստները (ամիրանները և խոշոր առևտրական բուրժուազիան):

Դրա համար կարգալ առաջադրութեան առաջին մասը:

2. Արեւմտահայ իրականութեան մեջ մանր բուրժուազիան «եանաֆ» խաֆ ի՞նչ դրութեան էր ապրում, յերբ հանդես յեկան Արփիարյանը, Զոհրապը և Կամսարականը:

3. Արեւմտահայ ռեալիստական արձակը վորպես բուրժուազիայի գրական ուղղութեանը և այդ գրականութեան բնորոշ գեմքերը:

4. Ար. Արփիարյանը վորպես նովելիստական գրականութեան մեջ ռեալիզմի սկզբնավորողը: Կարգալ «Նորավեպիկներ»:

5. Ի՞նչ հիմնական խնդիրներ է դնում Արփիարյանն իր նովելաններում և ինչպիսի լուծում է տալիս դրանց:

6. Յուր թալ Արփիարյանի աշխարհայացքի կապը Գրիգոր Արծրունու հետ:

7. Արփիարյանի գրած պատմվածքներն արհեստավորների կյանքից («Խնդամոլիկ աղջիկը»):

8. Ի՞նչ նման կողմեր կան Արփիարյանի «Կարմիր ժամուց» և Բաֆֆու «Ջալալեդդին» ստեղծագործութունների միջև (համեմատել տեր-Հուսիկը Դալի-Բարայի հետ):

9. Արփիարյանի աղբեցութունը հետագա նովելիստների վրա (Գ. Զոհրապ):

10. Գր. Զոհրապի կլասիկ նովելիստ լինելու ի՞նչ ցուցանիշներ կան:

11. Գրականութեանը ժողովրդի կյանքի հայելու՝ Զոհրապի սկզբունքի հաջող կիրառումը մի շարք պատմվածքներում (կարգալ «Փոստաք» և «Ճիտին պարտքը» նովելաները):

12. Զոհրապի նովելաների մեջ վորն է հիմնական թեմատիկան (սեռի պրոբլեմը և այդ խնդրի բուրժուական մեկնաբանումը):

13. Զոհրապն ի՞նչպիսի աղբեցութեան է կրել յեվրոպական գրականութեանից (համեմատել «Փոստաքը» Մոպսսանի «Ճարպագունդ» պատմվածքի հետ):

14. Ի՞նչ աղբեցութեան է թողել Զոհրապը հետագա նովելիստների վրա (Զիֆթե-Սարաֆը և իր «Միամտի մը արկածները» նովելաների ժողովածուն):

15. Տիգրան Կամսարականը վորպես ռեալիստական խոշոր վեպի սկզբնավորող արևմտահայ գրականության մեջ:

16. Ի՞նչով բացատրել այն փոխադարձ համակրանքը, վոր կար Կամսարականի և Շիրվանզադեյի միջև:

17. Համեմատել «Վարժապետին աղջիկը» վեպը Շիրվանզադեյի «Արամբի» վեպի հետ:

18. Ի՞նչ դեպքում է Կամսարականի ռեալիզմը հասնում քննադատական ռեալիզմի աստիճանին:

19. Ի՞նչպես է տվել բուրժուական յերիտասարդի տիպերը (Արամ և Թորոս պեյլ):

Գրավոր ռեֆերատի ձևով պատասխանել այս խնդիրներին.

ա) Կնոջ խնդիրն Արփիարեյանի նովելաներում,

բ) Զոհրապի սկզբունքը—գրականությունը վորպես ժողովրդի կյանքի հայելի և այդ սկզբունքի հաջող կիրառումը մի շարք պատմվածքներում («Փոստալ», «Այրին», «Ճիտին պարտքը»):



Ստրագրից Ս. ԳԱՍՊԱՐՅԱՆ

Ստրագրից Ս. ԳԱՍՊԱՐՅԱՆ

Сдано в набор 13/III-1939 г.  
Разрешено к печати 28/IV-1939 г.  
3 печ. л. 145.400 тип. зн.

Главлит № 1902. Заказ № 708. Тираж 2000.  
Типография „Красный Восток“. Баку, ул. Юного пионера, 84.

457

Институт повышения квалификации и заочного педобразования

Гурген Антонян

**ЗАПАДНОАРМЯНСКАЯ  
РЕАЛИСТИЧЕСКАЯ ПРОЗА**

(на правах рукописи)

◆  
Издание Наркомпроса УзССР  
Баку—1939.

ՀՀ Ազգային գրադարան



NL0379277

63.050